

四庫全書

經部

欽定四庫全書

經部  
周易述卷三  
四

總校官進士 臣 繆 琪

校對官中書 臣 李 荃

謄錄監生 臣 徐 紹 城

欽定四庫全書

周易述卷三

元和惠棟撰

周易上經



兌宮五世卦  
消息十二月

巽亨注乾上九來之坤順也上九亢龍盈不可久虧

之坤三故為順天道下濟故亨虞氏曰彭城蔡景君

說剝上來之三君子有終注君子謂三艮終萬物故

君子有終疏

疏上至之三  
乾上九來之坤虞義也  
用九之戒乾上九當之坤三順謙也子

夏義也卦名嘽者正以上九一爻亢極失位天道盈而不溢虧之坤三致恭以存其位故以嘽名卦盈者嘽之反上之三盈為嘽在人為謙故曰嘽謙也天道下濟故亨虞義也乾為天道來之坤故下濟以乾通坤故亨蔡景君傳易先師景君言剝上來之三案虞論上九即乾也以消息言之故云剝上來之三案虞論之卦无剝復夬遺之例景君之說虞所不用也君

子至有終 三于三才為人道故君子謂三說卦曰終萬物始萬物者莫盛乎艮三體艮故艮終萬物三秉勞謙終當升五故君子有終也

初六嘽嘽君子用涉大川吉注變之正在下故嘽嘽君

子謂陽三體坎為大川歷三應四故用涉大川吉六

二鳴嘽貞吉注三體震為善鳴故鳴嘽三居五二正

應之故貞吉九三勞謙君子有終吉注體坎為勞故  
曰勞謙謙尊而光卑而不可踰君子之終故吉也六  
四无不利撝謙注撝舉也四得位處正家性為謙故  
无不利陰欲撝三使上居五故曰撝謙六五不富以  
其鄰利用侵伐无不利注鄰謂四上自四以上乘陽  
失實故皆不富五虛无君利三來侵伐无敢不利之  
者上六鳴謙利用行師征邑國注應在震故鳴謙體  
師象震為行坤為邑國五之正已得從征故利用行

師征邑國疏

變之至川吉初失位故變之正荀云初最在下為嘽上之三嘽也初之正而

在下又嘽焉故曰嘽嘽初正陽位故曰君子坎為大川歷三應四故利涉大川吉也三體至貞吉說

卦曰震為善鳴夏小正曰雉震响傳曰震也者鳴也响也者鼓其翼也是震為鳴也卦凡言嘽者皆謂陽

居下位二以陰承陽蒙三之義故曰鳴嘽此姚信義也三上居五二正應之中心相得故貞吉也體坎

至吉也說卦曰勞乎坎三體坎故曰勞嘽此荀義也成卦之義在於九三彖辭君子有終正指三也傳

言嘽尊而光卑而不可踰正謂三上升五君子之終故吉也撝舉至撝嘽此荀義也撝以手舉亦從

手故云撝舉也太元八十一家各有剛柔之性故稱

家家性為嘽故无不利也衆陰皆欲三居五而撝之者四故曰撝嘽鄰謂至之者此荀義也四上為

五之鄰故鄰謂四上自四以上皆乘三陽故曰乘陽  
泰六四曰偏偏不富皆失實也故知不富為失實五  
離爻為甲冑為戈兵故云侵伐五虛无君三來侵  
伐坤之邑國衆陰同志承陽故云无敢不利之者坤  
為用也應在至邑國此虞義也上應三三體震  
故曰鳴嗛二至上有師象師二居五與嗛三同義三  
來之五上得從征故  
利用行師征邑國也

☳震宮一世卦消息內  
卦外二月外卦三月

豫利建侯行師注復初之四與小畜旁通豫樂也震為

諸侯初至五體比象四利復初故利建侯三至上體

師象故行師疏

此虞鄭義也一陰五陽一陽五陰之  
卦皆自乾坤來師嗛大有同人是也

此卦復四之初乃從繫辭兩象易之例非乾坤往來也晉語司空季子解此經云豫樂也故太玄準之以樂鄭氏謂喜豫悅樂是也卦之取義于豫者有三焉漢書五行志云雷以二月出其卦曰豫言萬物隨雷出地皆逸豫一也取象制樂樂者樂也薦之神祇祖考與天地同和二也震上坤下母老子湮居樂出威三也故曰豫樂也震為諸侯初至五體比象比建萬國親諸侯二欲四復初初為建故利建侯卦體本坤四之初坤象半見故體師象利行師也虞注晉上九曰動體師象例與此同半象之說易例詳矣

初六鳴豫凶注應震善鳴失位故鳴豫凶六二介于石

不終日貞吉注介纖也與四為艮艮為石故介于石

應在五終變成离离為日二得位欲四急復初已得



休之故不終日貞吉六三盱豫悔遲有悔注盱睢盱  
視上而不正故有悔變之正遲則有悔也九四由豫  
大有得勿疑朋盍哉注由自也大有得得羣陰也坎  
為疑據有五陰坤以衆順故勿疑小畜兌為朋坤為  
盍盍藪合也坎為藪坤為衆衆陰並應故朋盍哉哉  
舊讀作播作宗也六五貞疾恒不死注恒常也坎為  
疾應在坤坤為死震為反生位在震中與坤體絕故  
貞疾恒不死也上六冥豫成有渝无咎注冥讀為瞑

應在三坤為冥冥豫瀆也渝變也三失位无應多凶

變乃得正體艮成故成有渝无咎疏

此應震至豫凶此虞義也夏小

正曰震也者鳴也四體震震為善鳴初獨應四意得而鳴失位不當故凶也介纖至貞吉此虞義也

繫上曰憂悔吝者存乎介謂纖介也介謂初石謂四二在艮體艮為石故介于石二應小畜五伏陽故應

在五豫體震震特變故終變成離為日二以陰居陰故得位四復初體復復六二曰休復吉欲四復初

故已得休之也二得位得中上交不諂下交不瀆欲四復初是不諂也二得休之是不瀆也二五无應四

為卦主故發其義于此爻也眡眡至悔也向秀注云眡眡眡眡小人喜悅佞媚之貌說文曰眡張目也

眡仰目也應在上三張目仰視視上之顏色為佞媚所謂上交諂也三位不正故有是象變之正則無悔

下經所云成有渝无咎是也艾之失位猶人之有過  
過以速改為善故四不終日貞吉三遲有悔遲速之  
間吉凶判焉孔子曰不善不能改是吾憂也由自  
至宗也此虞義也由自也釋詁文卦唯一陽五陰  
皆為陽所得故云大有得得羣陰也坎為心為加憂  
故為疑也乾九四文言曰或之者疑之也豫四失位  
與乾四同故云疑然一陽據五陰坤以衆而順從其  
志得行故勿疑也小畜兌為朋者據旁通兌兩口相  
對有似朋友講習之象故曰朋蓋與闔同闔戶謂之  
坤故坤為盍釋詁云盍合也九家說卦曰坎為蓰棘  
故為蓰坤為合故曰哉蓰合也哉猶埴也鄭氏禹貢  
曰厥土赤哉墳今本作埴考工記用土為瓦謂之埴  
埴之工弓人云凡昵之類不能方先鄭云故書昵作  
穢杜子春云穢讀為不義不昵之昵或為靺靺黏也  
鄭氏謂穢脂膏敗臚之臚臚亦黏也說文引春秋傳  
曰不義不黏黏猶昵也故先鄭讀穢為昵若然穢讀

為戩臚讀為埴易作戩書作埴考工作機訓為臚字  
異而音義皆同易為王弼所亂都無戩字說文戩字  
下缺鄭氏古文尚書又亡考工故書偏傍有異故戩  
字之義學者莫能詳焉以土合水為培謂之搏埴坤  
為土坎為水一陽倡而衆陰應若水土之相黏著故云  
朋盡戩京房作摺荀氏作宗故云舊讀作摺作宗王  
弼從京氏之本又訛為簪後人不識字訓為固冠之  
簪爻辭作于殷末已有秦漢之制異乎吾所聞也  
恒常至死也此虞義也恒常也釋詁文坎為多眚  
為心病故為疾下體坤故應在坤月滅藏于癸為既  
死鬼故為死震為反生說卦文一陽在下故曰反生  
五體震故位在震中坤體在下故與坤體絕震三日  
生鬼又于四正為春春生于左故貞疾恒不死也  
冥讀至无咎冥古眠字說文冥從一故讀為冥說  
文曰俞目曰暝知暝即今之暝也應在三坤為冥虞  
義也釋言曰晦冥也坤三十日故為晦也說文冥從

日從六一聲日數十十六日而月始虧幽也納甲之  
義退辛消艮入坤故坤為冥上應在三冥豫極樂是  
下交瀆也渝變也以下皆虞義也渝變釋言文三失  
位兩陰無應又多凶故云失位無應多凶三變之正  
下體成艮艮萬物之所成終而所成始故云變乃得  
正體艮成也三之正上交不諡下交不瀆故得无咎  
也



震宮歸覓卦  
消息二月

隨元亨利貞无咎注否上之初二係初三係四上係五

陰隨陽故名隨三四易位成既濟故元亨利貞无咎

疏卦自否來從三陽三陰之例否上爻之坤初卦名  
隨者爻辭六二係小子小子謂初是二係初也六

三係大夫大夫謂四是三係四也上六拘繫之維持之是上  
維之乾鑿度謂上六欲待九五拘繫之維持之是上  
係五也三陰係于三陽虞氏謂隨家陰隨陽故名隨  
太玄準為從其辭曰日嬭月隨亦陰隨陽也陰係陽  
猶婦係夫曲禮曰大夫曰孺人鄭彼注云孺之言屬  
言其繫屬人也又曰女子許嫁纓亦謂婦人質弱不  
能自固必有繫屬故許嫁時繫纓也故鄭注內則云  
婦人有纓示繫屬也杜預釋例曰婦人無外於禮當  
繫夫之謚以明所屬皆是婦繫夫之事故初九四  
九五比之小子大夫也隨家陰隨陽夫婦之道故九  
五孚于嘉吉傳曰君子以嚮晦入宴息夫婦之道而  
以既濟言者夫婦者君臣父子之本正家而天下定  
故中庸曰君子之道造端乎夫婦及其至也察乎天地是言既濟之事也

初九官有渝貞吉出門交有功注水以土為官渝變也

陽來居初以震變坤故官有渝上之初得正故貞吉  
震為出為交為開門交謂乾坤交也上係于五五多  
功陰往之上亦不失正故出門交有功六二係小子  
失大夫注小子謂初丈夫謂五五體大過老夫故稱  
大夫六三係大夫失小子隨有求得利居貞注三之  
上无應上係於四失初小子故係大夫失小子艮為  
居為求三隨四為四所求而得故隨有求得三四失  
位故利居貞九四隨有獲貞凶有孚在道以明何咎

注獲獲三也失位相據在大過死象故貞凶字謂五  
初震為道三已之正四變應初得位在離故有字在  
道以明何咎也九五孚于嘉吉注坎為孚乾為嘉嘉  
禮所以親成男女隨之時義也故云孚于嘉吉上六  
拘係之乃從維之注易說謂二月之時隨德施行藩  
決難解萬物隨陽而出故上六欲待九五拘繫之維  
持之明被陽化而陰欲隨之是其義也王用亨于西  
山注否乾為王謂五也有觀象故亨兌為西艮為山



故王用亨于西山禮器曰因名山升中于天既濟告

成之事也疏

水以至有功此九家虞義也官官鬼也參同契曰水以土為鬼土鎮水不起

京房謂世應官鬼福德之說皆始于文王火珠林亦云故九家易曰震為子得土之位故曰官是也卦自

否來震初庚子水得否坤乙未土之位水以土為官以震易坤故官有渝也上來居初得正故貞吉九家

之義亦然也帝出乎震故震為出初爻交坤故為交震方伯之卦當春分春分在卯說文曰𠄎象開門之

形二月為天門故震為開門否天地不交初上易位是乾坤交鄭氏謂震當春分陰陽之所交義亦通也

上六拘係之是陰往之上而係于五也凡言功者皆指五五多功陰往居上係于五而得位故交有功也

小子至丈夫陽大陰小易之例也今謂初陽為小者繫下云復小而辯于物虞彼注云陽始見故小

是小子謂初也二至上體大過大過九二云老夫得其女妻虞彼注云乾老故稱老夫丈夫猶老夫也四五本乾故稱丈夫二係于初初陽尚小故係小子不兼與五故失丈夫也三之至居貞三上皆陰故云無應四在三上故上係于四而不與初故失初小子艮為宮室故為居艮兌同氣相求故為求已上皆虞義也三係于四是三隨四也下經云隨有獲獲猶得也故知為四所求而得也三雖係四而皆失位非陰陽之正利變之正故利居貞內體為貞也獲謂至咎也此虞義也陰為陽得稱獲禽儀禮鄉射禮曰獲者坐而獲鄭彼注云射者中則大言獲獲得也射講武田之類是以中為獲詩舍拔則獲射中禽獸亦曰獲比五田有禽此經隨有獲皆陰為陽得故云獲獲三也鄭氏謂大過之象上六在巳巳當巽位巽又為木二木在外以夾四陽四陽互體為二乾乾為君為父二木夾君父棺槨之象三四在大過中故

云死象貞凶之義也五孚于嘉故孚謂五震為大塗  
故為道三利居貞是已之正四變則與初應得位體  
離為明故有孚在道以明何咎五為卦主三四易  
位成既濟故歸其功于五也坎為至嘉吉坎為  
孚虞義也乾為嘉虞義也嘉屬五禮周禮大宗伯以  
嘉禮親萬民以昏冠之禮親成男女隨之時義陰係  
于陽合于嘉禮故云孚于嘉吉五為卦主故總論一  
卦之義也文二年公羊傳曰娶者大吉也非常吉也  
娶必告廟故云吉孚于嘉吉兼二禮也唐虞三禮至  
周始有五禮周公作周禮其法于易乎易說至義  
也易說者乾鑿度文也隨于消息為二月卦故云  
二月之時云隨德施行藩決難解者案鄭彼注云大  
壯九三爻主正月陰氣猶在故羝羊觸藩而羸其角  
也至于九四主二月故藩決不羸也言二月之時陽  
氣已壯施生萬物而陰氣漸微不能為難以障閉陽  
氣故曰藩決難解也萬物當二月之時隨陽而出故

上六欲待九五拘繫之維持之言係而又言維者虞氏云兩係稱維三四易位則五維二初維四六爻皆正中和之化行既濟之功成矣虞氏又謂隨家陰隨陽是被陽化而陰欲隨之彖傳所云大亨貞无咎而天下隨之是也否乾至事也王謂夏商之王乾鑿度謂文王非也詳見升卦卦自否來否之九五本乾也乾為君故為王二至五體觀觀卦辭云觀盥而不觀薦虞彼注云盥沃盥薦羞牲沃盥羞牲皆亨帝亨親之事故云亨也體兌互艮兌為西艮為山故云西山乾鑿度曰崇至德顯中和之美當此之時仁恩所加靡不隨從咸說其德得用道之王故言王用亨于西山也已上皆虞義也禮器因名山升中于天是言太平封禪之事三四易位成既濟定亦是太平功成故云既濟告成之事也盧植注禮器云封太山告太平升中和之氣于天王者致中和天地位萬物育故升其氣于天亦是既濟之事也盧氏言封太山太

山在東而經云西山者禮器言名山不言太山周頌之般班固亦以為封禪之詩其詩云於皇時周陟其高山毛傳云高山曰嶽也是四嶽名山皆可封禪不必專指太山且古大太字无別則大山猶名山也封禪非常之典其說自古莫能詳其言太山者唯見管子莊子諸書經傳無文非義據也



巽宮歸竟卦  
消息三月

蠱元亨注泰初之上與隨旁通蠱者事也尚書傳曰乃命五史以書五帝之蠱事剛上柔下乾坤交故元亨利涉大川注二失位動而之坎故利涉大川先甲三日後甲三日注先甲三日巽也在乾之先故曰先甲

後甲三日兌也在乾之後故曰後甲虞氏謂初變成  
乾乾為甲至三成離離為日謂乾三爻在前故先甲

三日賁時也變三至四體離至五成乾乾三爻在後

故後甲三日无妄時也疏

泰初至元亨卦自泰來亦從三陽三陰之例初九

之上上六之初與隨旁通此虞義也蠱者事也序卦  
文尚書傳者伏生書大傳文上古結繩而治五帝以  
後時既漸澆物情惑亂事業因之而起故昭元年春  
秋傳曰于文皿蟲為蠱坤器為皿之初成巽巽為風  
風動蟲生故為蠱卦二五不正初上失位以巽女而  
惑艮男以巽風而落艮果故昭元年春秋傳曰女惑  
男風落山謂之蠱皆同物也剛上柔下以下虞義也  
二失至大川此虞義也二失位當之五動成坎

故云動而之坎謂涉坎也坎為大川故利涉大川言  
利之五而得正位也先甲至後甲甲謂乾也乾

納甲泰內卦本乾乾三爻故三日先甲三日辛也巽  
納辛故云巽也坤上之初成巽在乾之先故先甲也

後甲三日丁也兌納丁故云兌也四體兌在乾之後  
故後甲也虞以卦體巽而互震震雷巽風雷風無形

故卦特變初變體乾乾納甲變至三體離為日成  
山火賁內卦為先乾三爻在前故先甲三日賁時也

變三至四有離象至五體乾成天雷无  
妄外卦為後故後甲三日无妄時也

初六幹父之蠱有子考无咎厲終吉注幹正蠱事也泰

乾為父坤為事故幹父之蠱初上易位艮為子父死

大過稱考故有子考變而得正故无咎厲終吉也九

二幹母之蠱不可貞注應在五泰坤為母故幹母之  
蠱失位故不可貞九三幹父之蠱小有悔无大咎注  
兌為小无應故有悔得位故无大咎六四裕父之蠱  
往見吝注裕不能爭也四陰體大過本末弱故裕父  
之蠱兌為見應在初初變應四則吝故往見吝六五  
幹父之蠱用譽注坤為用譽謂二也二五失位變而  
得正故用譽上九不事王侯高尚其事注泰乾為王  
坤為事應在三震為侯親老歸養故不事王侯不得



事君君猶高尚其所為之事疏幹正至吉也此虞

也文言傳曰貞者事之幹也知幹即正也蠱自泰來

故泰乾為父初之上體艮艮為少男故為子曲禮曰

生曰父母死曰考妣初至四體大過是父死大過稱

考也初本乾也變而得正故无咎厲終吉也應在

至可貞此虞義也五本坤也故曰泰坤為母應在

五故幹母之蠱二五失位故不可貞言當變之正也

為小三上皆陽故无應而小有悔也三得位故雖在

大過中而无大咎也裕不至見吝此虞義也虞

注皆初六曰坤弱為裕考經孔子曰父有爭子則身

不陷于不義四陰柔弱不能爭父之過故云裕不能

爭也大過初上皆陰故本末弱雜卦曰兌見故兌為

見初本乾也四裕父蠱陰弱不振故初變應四則吝

也坤為至川譽此虞義也繫下云二多譽故譽

謂二二五皆失位二升居五五降居二是變而得正  
故用譽也 泰乾至之事 此虞鄭義也 泰乾為王

坤為事應在三三體震震為侯故有王侯之象此上  
皆虞義虞氏謂坤象不見故不事王侯也 鄭氏云上  
九艮爻辰在戌得乾氣父老之象虞謂泰坤為父與  
鄭異也 詩四牡云王事靡盬不遑將父人云王事靡  
盬不遑將母 蓼莪序云刺幽王也 民人勞苦孝子不  
得終養云云 若然人臣事君不以家事辭 王事故四  
牡有不遑將父不遑將母之詩 至蓼莪之詩不能終  
養作詩刺王是人臣親老人君有聽其歸養之義故  
王制載三王養老之事云八十者一子不從政九十  
者其家不從政是不事王侯之事也 小雅笙詩序云  
南陔孝子相戒以養也 白華孝子之潔白也是親老  
歸養乃事之最高尚者故臣不得事君君猶高尚其  
所為之事也 此  
上皆鄭義也



坤宮二世卦  
消息十二月

臨元亨利貞注陽息至二與遠旁通臨者大也陽稱大

二陽升五臨長羣陰故曰臨三動成既濟故元亨利

貞至于八月有凶注臨消于遠六月卦也于周為八

月遠弒君父故至于八月有凶疏

陽息至利貞  
陽息之卦息初為

復至二成臨故云陽息至二與遊旁通此上虞義也

臨者大也序卦文陽息稱大坤虛无君二當升五以

臨羣陰卦之所以名臨也二升五三動成既濟故云  
元亨利貞也臨消至有凶此虞義也臨與遠旁  
通遠者陰消之卦于消息為六月于殷為七月于周  
為八月故鄭氏注云臨卦斗建丑而用事殷之正月

也當文王之時紂為无道故于是卦為殷家著興衰  
之戒以見周改殷正之數云臨自周二月用事訖其  
七月至八月而遯卦受之是其義也若然周後受命  
而建子其法于此乎陰消至遠艮子弑父至三成否  
坤臣弑君故云遠弑君父遯于周為八月故至于八  
月有凶也臨言八月復言七日者復陽息之卦故言  
日臨之八月遠也陰消之卦故言月詩豳風一之日  
周正月也二之日殷正月也三之日夏正月也四之  
日周四月也皆稱日陰始于巳故自  
夏四月建巳以下則稱月與易同也

初九咸臨貞吉注咸感也得正應四故貞吉九二咸臨

吉无不利注陽感至二當升居五羣陰相承故无不  
利六三甘臨无攸利既憂之无咎注甘謂二也二升

五臨三故曰甘臨三失位无應故无攸利坎為憂動  
成泰故既憂之无咎六四至臨无咎注至下也謂下  
至初應當位有實故无咎六五知臨大君之宜吉注  
坤為知五者帝位大君謂二也宜升上居五位吉以  
乾通坤故曰知臨大君之宜吉也上六敦臨吉无咎  
應在三上欲因三升二過應于陽敦厚之意故曰敦  
臨吉无咎疏咸感至貞吉此真義也咸感也咸象  
傳文感猶應也卦惟初與四二與五二  
氣感應故謂之咸初應四故咸臨得位故貞吉也  
陽感至不利此苟義也二正應五五虛无君故云

陽感至二當升居五也董子曰甘者中央之味也二升五位羣陰承之故无不利也甘謂至无咎董子曰甘者中央之味也二居中行和故甘謂二二升五而臨三故曰甘臨三位不當无應于上故无攸利五體坎坎為加憂故為憂董子曰凡人有憂而不知憂者凶有憂而深憂之者吉三知不息泰得正憂釋咎除故无咎也至下至无咎此虞義也至從一一地也初為地在下故云至下也四正應初故謂下至初應初陽為實而又當位故云當位有實而无咎也坤為至吉也為知虞義也知讀為智中庸曰唯天下至聖為能聽明睿知足以有臨故曰知臨也五者帝位以下荀義也五為天子故云帝位乾鑿度曰臨者大也陽氣在內中和之盛應于盛位浸大之化行于萬民故言宜處王位施大化為大君矣臣民欲被化之辭也又曰大君者與上行異也鄭彼注云臨之九二有中和美異之行應于五位故曰百姓欲其與上為大君皆言

二升五之義故云大君謂二也以乾通坤故曰知臨  
二居五位而施大化成既濟之功是大君之宜故曰  
吉也應在上无咎此荀義也上本應三兩陰无  
應二本陽也上欲因三升二故云過應于陽升二而  
成既濟之功是上敦厚之意鄭注樂記  
云敦厚也坤為厚故曰敦臨吉无咎也



乾宮四世卦  
消息八月

觀盥而不觀薦注觀五臨也以五陽觀示坤民故稱觀  
盥沃盥薦羞牲也坎為水坤為器艮手臨坤坎水沃  
之盥之象也故觀盥而不觀薦馬氏謂盥者進爵灌  
地以降神也祭祀之盛莫過于初盥及神降薦牲其

禮簡略不足觀也故孔子曰禘自既灌而往者吾不

欲觀之矣有孚顒若注孚信謂五顒顒君德有威容

貌若順也疏

觀反至之矣此虞馬義也雜卦曰否泰反其類也卦有反類故復彖傳曰剛

反動震彼注云剛從艮入坤從兌為女兌女反成巽

觀六二闕觀利女貞虞注云臨兌為女兌女反成巽

是兌為反巽也又虞注夷曰反晉也注益曰反損

也注漸曰反歸妹也一說復亨剛反復為反剝與此

經觀反臨皆卦之反也若荀氏之義其注繫上鼓之

舞之以盡神云鼓者動也舞者行之也謂三百八十四

爻動行相反乾坤屯蒙之類非僅反類之謂又否泰之

行相反乃乾坤屯蒙之類非僅反類之謂又否泰之

反類則兼旁通唯觀反臨明夷反晉益反損漸反歸

妹復反剝艮反震兌反巽乃反卦非旁通也又虞注



上繫同人九五爻辭云同人反師又以旁通為反卦  
所未詳也彖傳曰中正以觀天下中正為五坤為民  
故以五陽觀示坤民名為觀也鄭氏謂艮為鬼門又  
為宮闕地上有朱而為鬼門宮闕者天子宗廟之象  
此取觀象而言釋宮曰觀謂之闕虞義或當然也祭  
統曰獻之屬莫重于裸字亦作灌義取于坤地之觀  
周禮鬱人掌裸器凡裸事沃盥故云盥沃盥郊特牲  
曰既灌然後迎牲迎牲而後獻薦是薦在灌後故云  
薦羞牲也上之三五體坎故坎為水形而下謂之器  
故坤為器謂沃盥器也以艮手臨坤器而以坎水沃  
之故云盥之象也鬱人裸事沃盥故盥與灌通觀灌  
而不觀薦乃禘禮配天之祭故馬氏謂盥者進爵灌  
地以降神也配天之禘灌禮最盛古文作裸周監二  
代而制禮大宗伯以肆獻裸享先王典瑞裸圭有瓚  
以肆先王以裸賓客則裸一事有三節肆者實而陳  
之裸者將而行之獻者奉而進之實以奠裸之陳將

以瓚裸之行獻以爵裸之成故曰肆裸獻祭天無灌  
而禘有灌者宣三年公羊傳說配天之義云王者曷  
為必以其祖配自內出者無匹不行南郊配天也自外至者無主  
不止自內出者無匹不行南郊配天也自外至者無主  
主不止明堂配天也明堂之配天帝異饌亦異其禮  
故天無灌而祖有灌以灌禮降神推人道以接天所  
謂自外至者無主不止故云祭祀之盛莫過于初盥  
也禘行于春夏物未成孰薦禮獨略故云神降薦牲  
其禮簡略不足觀也引孔子語者論語文穀梁傳曰  
常視白視非常曰觀灌禮非常薦為常禮故曰觀盥  
而不觀薦吾不欲觀非不欲觀也所以明灌禮之特  
盛與此經觀盥而不觀薦同義故虞氏王弼亦皆引  
以為證孔安國謂魯禘亂昭穆聖人欲觀失其義  
矣乎信至順也此虞義也坎為孚故孚信謂五  
虞彖注引詩云顒顒印印如珪如璋珪璋裸玉君裸  
以圭瓚亞裸以璋瓚顒顒温貌印印盛貌裸之儀也

鬱人詔之故謂君德有威容貌若順也釋詁文謂觀君子之德容而順其化也馬氏云孚信也頤敬也以孚信頤敬為萬民信敬即下觀而化之事虞以孚與頤頤屬君若屬民與馬異也

初六童觀小人无咎君子吝注艮為童以小觀上故童

觀初位賤人陰爻故小人无咎君子則吝矣馬氏以為童獨也六二闕觀利女貞注竊觀稱闕二離爻離為目為中女互體艮艮為宮室坤為闔戶女目近戶闕觀之象二陰得正應五故利女貞利不淫視也六

三觀我生進退注我謂五臨震為生巽為進退觀于  
五故進下于四故退象曰未失道也六四觀國之光  
利用賓于王注坤為國上之三體離為光故觀國  
之光王謂五四陽稱賓變坤承五坤為用為臣故利  
用賓于王九五觀我生君子无咎注大觀在上為羣  
陰所觀故觀我生五正位處中故君子无咎上九觀  
其生君子无咎注應在三三體臨震故觀其生君子  
謂三之三得正故无咎疏

艮為至獨也 艮少男故  
為童童觀觀五也 呂氏春

秋曰上尊下卑則不得以小觀上以小觀上故曰童  
觀初為元士故位賤又陰爻為小人故无咎陽稱君  
子故吝此兼虞義初稱獨故馬氏以為童獨也義亦  
通耳竊觀至視也竊觀稱闕虞義也竊觀非正  
視故曰闕方言曰闕視也凡相竊視南楚謂之闕故  
知竊觀稱闕說文云闕閃也閃亦不正之義六二离  
爻离為目為中女皆說卦文艮為宮室坤為闔戶亦  
虞義也二以离目窺坤戶闕觀之象二陰為女居中  
得正上應九五故利女貞曲禮曰毋淫視邪視曰淫  
視利女貞謂不淫視也此兼虞義我謂至道也  
此荀虞義也五為卦主爻辭與五同故我謂五虞氏  
謂坤為我非也震為反生故為生猶性故京氏謂  
性行是也巽為進退說卦文三陽位陽主進六陰爻  
陰主退故有進退之義進觀于五進也退居四下退  
也故曰觀我生進退進退皆合于道故象曰未失道  
也坤為至于王聘禮記歸大禮之日有請觀之

禮吳季札聘魯請觀于周樂晉韓起聘魯觀書于太  
史氏皆其事鄭氏謂聘于是國欲見宗廟之好百官  
之富故曰觀國之光謂之觀光者禮樂詩書光于千  
古威儀辭氣光在一身益以大觀在上故急欲觀其  
盛焉此觀光謂朝也上之三體離離為日故為光五  
本乾也乾為王故王謂五四陽為否四也陰在下故  
四陽稱賓始初六不利賓是也陰消乾體坤上承九  
五故云消乾承五坤為用為臣真義也觀之言灌大  
饗有裸賓之禮故典瑞云裸圭有瓚以肆先王以裸  
賓客四為三公上公王禮再裸洛誥裸于太室太室  
者明堂之中中央室也而稱王賓則賓于王者惟裸禮  
為盛故利用賓于王也 大觀至无咎 五以陽居  
上陽稱大故大觀在上四陰仰五陽是為羣陰所觀  
故云觀我生也觀陰消之卦乾鑿度剝五為小人消  
觀成剝則有咎矣今五正位處中故君子无咎也  
應在至无咎 此真義也其謂三也上應在三三體

臨震謂反臨三體震也震為生故觀其生君子謂三者三失位上之三得正故稱君子无咎也



巽宮五世卦  
消息十月

噬嗑亨利用獄注否五之初頤中有物曰噬嗑五之初

剛柔交故亨坎為獄艮為手離為明四以不正而係

于獄上當之三蔽四成豐折獄致刑故利用獄坤為

用也疏卦自否來九五之坤初二陽四陰外實中虛頤象也九四以不正間之象頤中有物象傳

曰頤中有物曰噬嗑物謂四也噬嚙也嚙而合之故曰噬嗑乾剛坤柔乾五之坤初坤初之乾五剛柔交

故亨也九家說卦曰坎為律為叢棘叢棘獄也故坎為獄折獄從手故艮為手離為日故為明四體坎以

陽居陰而在坎中故係于獄蔽斷也虞注豐彖曰豐三從噬嗑上來之三折四于坎獄中而成豐故君子以折獄致刑噬嗑所謂利用獄者此卦之謂是虞合兩卦以發明折獄之義坤為器故為用此兼虞義也

初九屨校滅止无咎注屨貫校械止足也坎為械初為

止坤初消陽五來滅初故屨校滅止震懼致福故无

咎六二噬膚滅鼻无咎注膚脅革肉艮為膚為鼻二

无應于上滅坎水中而乘初剛故噬膚滅鼻得正多

譽故无咎六三噬筍肉遇毒小吝无咎注三在膚裏

故稱肉离日燠之為筍坎為毒應在上故噬筍肉遇



毒失位承四故小吝與上易位利用獄成豐故无咎  
荀氏以管肉謂四也九四噬乾肺得金矢利艱貞吉  
注肉有骨謂之肺乾為金離為矢四惡人在坎獄中  
上之三折四故噬乾肺得金矢艱險貞正也坎為險  
四失位變之正故利艱貞吉六五噬乾肉得黃金貞  
厲无咎注陰稱肉位當離日中烈故乾肉也黃中厲  
危也變而得正故无咎上九何校滅耳凶注為五所  
何故曰何校五體坎為耳上據坎故何校滅耳上以

不正陰終消陽故凶疏

履貫至无咎 干實注云履校貫械也以械為履故曰履

校漢謂之貫械後漢書李固傳云渤海王調貫械上書是也止與趾同故云足以械為履足沒械下故云

滅止九家說卦曰坎為桎梏故為校校即械也伏羲始作八卦近取諸身故此卦之義初為止五為耳卦

本否也故坤初消陽乾五之初是滅初五來滅初體震震彖傳曰震來虩虩恐致福也震為徵小徵大誠

故无咎 膚膏至无咎 爻辭曰膚曰管肉曰乾肺曰乾肉故知膚為膏革肉案少牢饋食禮曰雍人倫

膚九實于一鼎入云膚九而俎亦橫載革順是也良為膚為鼻九家說卦文二五皆陰故云无應體良而

在坎下故云滅坎水中又乘初剛噬膚滅鼻之象也以陰居二二多譽故云得正多譽而无咎也 三在

至四也 此虞義也三體艮艮為膚三在膚裏謂肉在膚理故稱肉也說文曰管乾肉也從殘肉日以晞

之馬氏曰晞于陽而煬于火曰管肉故云离日燠之  
為管坎為多眚故為毒周語單子曰厚味實腊毒腊  
籀文管肉久稱管味厚者為毒久故噬管肉遇毒乾  
鑿度曰陰陽失位皆為不正其應實而有之皆失義  
鄭注云陰有陽應陽有陰應實者也既非其應設使  
得而有之皆為非義而得也三陰上陽此失義之應  
上鼻大惡極而三遇之是過毒也四亦不正而三承  
之故小吝上來之三是易位也折四成豐明罰飭法  
故无咎也荀氏以管肉謂四者謂三噬四法當過罪  
故遇毒義亦通也肉有至貞吉肉有骨謂之肺  
馬義也离又為乾卦故云乾肺乾為金說卦文离為  
矢馬王虞義也周禮犬司寇禁民訟入東矢禁民獄  
入鈞金矢取其直不直者入東矢金能見情無情者  
入鈞金四离火惡人而體坎故在坎獄中而不服罪  
若噬有骨之乾肺上來之三折四成豐故得金矢四  
以陽居陰故失位无應于下而弇于五故利艱貞吉

也陰稱至无咎五陰也故陰稱肉五正離位故云位當離日中烈為乾肉也五陰居中故為黃位不當故厲變而得正故无咎象曰得當也此兼虞義為五至故凶何讀為荷上據五故為五所何曰何校此荀義也上為首故五為耳又體坎坎亦為耳荀氏謂據五滅坎故何校滅耳也卦本否也五上不正無德以休之滅坎體剝陰終消陽惡積而不可弇罪大而不可解故凶魏河南尹李勝以屢校滅趾為去足則刑若然何校滅耳為大辟之刑義或然也



艮宮一世卦  
消息八月

賁亨小利有攸往注泰上之二賁黃白色文章雜也柔

來文剛陰陽交故亨小謂五四分乾剛而上飾坤柔

兼據二陰故小利有攸往疏

卦自泰來上六之乾二九二之坤上賁黃白色

王肅義也太元曰黃不純范望注云火色黃白故不純引此經云山下有火黃白色也傅氏曰賁故班字文章貌呂氏春秋曰孔子卜得賁曰不吉子貢曰夫賁亦好矣何謂不吉乎孔子曰夫白而白黑而黑夫賁又何好乎高誘注云賁色不純也物相雜謂之文京房易傳曰五色不成謂之賁文采雜也其後孔子經論六經以垂後代萬世觀人文之化成其賁之微乎柔來文剛已下虞義也自內曰來上之二柔來文剛乾陽坤陰陰陽交故亨也五四皆陰陽大陰小故小謂五四賁者飾也彖傳曰分剛上而文柔故云分乾剛而上飾坤柔也兼據二陰荀義也五

初九賁其止舍車而徒注初為止坤為車應在坤上之

二坤體壞故舍車而徒六二賁其須注須謂五五變  
應二二上賁之故賁其須九三賁如濡如永貞吉注  
離文自飾故賁如坎水自潤故濡如體剛履正故永  
貞吉六四賁如皤如白馬翰如匪寇昏葍注馬作足  
橫行曰皤四乘剛故賁如皤如震為馬巽為白故白  
馬翰如坎為寇得位應初故匪寇昏葍六五賁于丘  
園束帛戔戔吝終吉注五已正應在二坎為隱坤土  
為丘木果曰園艮山震林賁飾丘陵以為園園隱士

之象坤為帛其數十故束帛彣彣委積貌艮為多故

彣彣失位故吝之正應二尊道勤賢故終吉上九白

賁无咎注巽為白上者賁之成功成于素故曰白賁

變而得位故无咎疏

初為至而徒王肅曰在下故稱止義見噬嗑坤為車謂泰坤

也四體坤故應在坤上之二坤體壞故舍車徒徒步也王肅曰既舍其車又飾其止是徒步也須謂至

其須說文曰須面毛也爻位近取諸身初為止五當為須故知須謂五五失位故變應二上賁五是

賁其須也離文至貞吉此虞義也彖傳曰文明以止故離為文離文自飾是賁如也互體坎坎水自

潤是濡如也三以陽居陽是體剛履正故永貞吉也馬作至昏莠馬作足橫行曰皤董過義也董讀

鑄為槃震為馬為作足應在初而乘三剛作足橫行  
不前故責如鑄如鄭氏謂四欲飾以適初進退未定  
故鑄如義亦同也檀弓曰殷人尚白戎事乘翰鄭彼  
注云翰白色馬也巽為白故白馬翰如鄭氏謂六四  
巽爻也三體坎為寇四既得位初又正應雖乘坎剛  
終當應初故云匪寇昏毒也五已至終吉此荀  
虞王義也五失位无應今已之正故應在二二在坎  
下坎為隱伏故為隱爾雅釋地曰非人為之邱郭璞  
云地自然生說文曰邱土之高也故云坤土為邱虞  
氏謂艮為山五半山故稱邱揚子曰邱陵學山而不  
至于山半山為邱義亦通也艮為木果園圃毓草木  
故云木果為園艮為山震為林隱士在山林故云責  
飾邱陵以為園圃隱士之象也坤為帛九家說卦文  
莊二十二年春秋傳曰庭實旅百奉之以玉帛杜注  
云坤為布帛是也鄭注聘禮曰凡物十曰束坤數十  
故云束帛吳薛綜解此經云古招士必以束帛加璧



于上爻委積貌薛虞謂禮之多也艮為多節故為  
多五失位故吝變而得正應二荀氏謂五為勤賢之  
主尊道之君故終吉而有喜是也巽為至无咎  
五變體巽故巽為白卦成于上故云上者貴之成考  
工記曰畫繪之事後素功論語曰繪事後素鄭彼注  
云素白采也後布之為其易漬汙是功成于素之事  
也失位不正變而  
得位故无咎也

周易述卷三

欽定四庫全書

周易述卷四

元和惠棟撰

周易上經



乾宮五世卦  
消息九月

剥不利有攸往注陰消乾也與夬旁通以柔變剛小人

道長上往成坤迷復故不利有攸往疏剥本乾也陰消至五成剥

故云陰消乾也夬陽決陰剥陰剝陽故與夬旁通柔變剛象傳文小人道長否象傳文此傳亦云小人長

也陰消之卦大往小來不利有攸往謂上也剝上反初為復復剛長故利有攸往坤為迷上往成坤為迷

復小人道長故不利  
有攸往也此兼虞義

初六剥牀以足蔑貞凶注動成巽巽木為牀初為足坤

消初故剥牀以足蔑无貞正也夫位无應故蔑貞凶六

二剥牀以辨蔑貞凶注指間稱辨剥二成艮艮為指

二在指間故剥牀以辨无應在剥故蔑貞凶也六三

剥无咎注衆皆剥陽三獨應上无剥害意故无咎六

四剥牀以膚凶注辨上稱膚艮為膚以陰變陽至四

乾毀故剥牀以膚凶六五貫魚以宮人寵无不利注

剥消觀五巽為魚為繩艮手持繩貫巽故貫魚也艮  
為宮室人謂乾五以陰代陽五貫乾為寵人陰得麗  
之故以宮人寵動得正成觀故无不利上九碩果不  
食注艮為碩果陽道不絕故不食君子德車小人剥

廬注夫乾為君子為德坤為車乾在坤上故以德為  
車小人謂坤艮為廬上變減艮坤陰迷亂故小人剥

廬也疏動成至貞凶說文曰牀安身之坐者也卦  
本乾也初動成巽巽為木坤西南卦設木于

西南之與乾人藉之牀之象也初在下故為足坤消  
乾自初始故剥牀以足剥亦取象人身初足二辨四

膚故參同契曰剝爛肢體消滅其形是也詩大雅板  
曰喪亂蔑資毛傳云蔑無也初陽在下為貞為坤所  
滅无應于上故蔑貞凶也此兼虞義指間至凶也  
此虞義也辨本作番說文曰象獸指爪分別也讀  
若辨古文作平古文尚書辨章辨秩字皆作平魏晉  
以後亂之讀為平也番在指間分別之象故讀為辨  
辨亦別也剝二成艮為指說卦文二體艮在指間  
故剝林以辨鄭氏謂足上稱辨近取諸身初為足二  
在足上義亦通也陰消至五故无咎應在剝五陽為正  
消五故蔑貞凶也衆皆至无咎此荀義也周語  
曰人三為衆自三以上皆曰衆也卦有五陰故衆皆  
剝陽三雖不正獨與上應故云三獨應上陰陽相應  
則和故无剝害意而言剝无咎也辨上至膚凶  
此虞義也辨在指間不可言膚四在上體故云辨上  
稱膚陰消之卦自逃至觀體巽故巽為林至剝皆體  
艮故艮為膚消至四而乾之上體壞故云以陰變陽

至四乾毀也乾為人王肅曰剥牀盡以及人身為敗  
滋深故曰剥牀以膚凶也剥消至不利此虞義  
也消觀五為剥故云剥消觀五巽謂觀巽也郭璞洞  
林曰魚者震之廢氣也巽王則震廢故巽為魚又巽  
多白眼故為魚也巽為繩說卦文艮為手消巽成艮  
故云艮手持繩貫巽為貫魚也艮為門闕門闕宮象  
故為宮室乾為人故人謂乾五觀巽為牀牀第不踰  
闕宮人之象故取義于宮人陰消之卦故以陰代陽  
陰至于五通于天位故云五貫乾為寵人承君之寵  
陰得鹿之故以宮人寵乾鑿度所謂陰貫魚而欲承  
君子是也五失位動得正成觀故无不利也艮為  
至不食碩與石同艮為石為果蘇故為碩果此虞  
義也白虎通曰陽道不絕陰道有絕十月純坤謂之  
陽月文言釋坤上六曰為其兼于陽此陽道不絕之  
義也卦本乾也虞氏謂三已復位有頤象頤中无物  
故不食此解食義也乾為木果謂上九也艮之碩果

亦指上也。剝之上即復之初，窮上反下，故在上為木，果在下為萌牙。乾鑿度曰：剝當九月之時，陽氣衰消，而陰終不能盡。陽小人不能決，君子此碩果，所以不食也。夫乾至廬也。此虞義也。夫乾謂旁通也。應

在三君子謂乾三乾為德，故夫乾為君子為德。坤為大舉，故為車本，或作舉也。禮運曰：天子以德為車，乾

在坤上，乾德坤車，故以德為車。坤消乾小人長，故小

人謂坤艮為舍，乾為野舍，在野外。廬之象上變則艮滅為純坤，坤為迷為亂，小人剝廬之象也。



坤宮一世卦  
消息十一月

復亨注：陽息坤與始旁通，剛反交初，故亨出入无疾。注

謂出震成乾，入巽成坤，坎為疾，十二消息不見坎象。



故出入无疾崩來无咎反復其道注自上下者為崩  
剝艮反初得正故无咎反復其道有崩道也虞氏作  
朋來云兌為朋在內稱來五陰從初初陽正息而成  
兌故朋來无咎乾成坤反于震陽為道故復其道七  
日來復注陽稱日消乾六爻為六日至初為七日故  
七日來復鄭氏謂建亥之月純陰用事至建子之月  
陽氣始生隔此純陰一卦卦主六日七分舉其成數  
言之而云七日也利有攸往注陽息臨成乾君子道

長故利有攸往荀氏謂利往居五也疏

陽息至故亨此虞義也

復陽息之卦而自坤來故云陽息坤與姤為旁通一陽自上而反而交于坤初乾坤氣通故亨謂出至

无疾成乾至此虞義也陽出于震至已而乾體就故出震

三成乾入巽巽也消至二體艮至三成坤十二消息謂乾坤十二畫有震有兌有乾有巽有艮有坤獨无

坎離故納甲之法坎戊離已居中央王四方參同契曰坎離者乾坤之二用二用无爻位周流行六虛又

云故推消息坎離滅亡是其義也坎為疾十二消息不見坎象故出入无疾也自上下

者為崩京房義也京剝傳曰小人剝廬厥妖山崩復傳曰崩來无咎自上下者為崩厥應大山之石顛而

下陽極于艮艮為石為山剝之上九消艮入坤山崩之象春秋僖十四年沙鹿崩穀梁傳曰高曰崩故知

崩自上而下也。自上而下者，非爻自上反初，乃消艮入坤出震耳。故虞于象傳注云：陽不從上來反初，故不言剛自外來。知非爻自上反初也。若然，序卦言剝窮上反下，亦云消艮入坤出震也。正陽在下為聖人。故云剝艮反初，得正穀。梁傳曰：沙鹿崩，無崩道而崩。故志之復卦乾息坤乾為道。故云反復其道有崩道也。虞氏作朋來兌二陽同類，故為朋在外。曰往在內，曰來初為卦主。故五陰從初，初得正陽息在二成兌。故云初陽息正而成兌。朋來无咎也。乾成于上坤消自初。故云乾成坤滅，藏于坤從下反出體震。故反出于震乾為道。陽即乾也。出震成乾，故復于道。虞以朋來為陽息兌。今知不然者，下云七日來復，則方及初。陽何得先言息二成兌至利有攸往，乃可云息臨成。乾虞氏非是。當從京氏作崩來也。陽稱至日也。

七日七月也。陽稱日陰稱月。詩七月云：一之日觶發，二之日栗烈。又云：三之日于招，四之日舉趾。毛傳曰：

一之日周正月也二之日殷正月三之日夏正月也  
四之日周四月也此皆陽息之月故謂之日又曰四  
月秀萼五月鳴蜩五月已下陰消之月故稱月四月  
亦稱月者以夏四月建巳陰生于巳故也消乾自午  
至亥為六月故云消乾六爻為六日至初建子首尾  
七月故云七日來復也鄭氏據六日七分謂建亥之  
月純陰用事乃坤卦也至建子之月陽氣始生謂復  
卦也隔此純陰一卦謂中孚也是以易稽覽圖曰甲  
子卦氣起中孚六日八十分日之七鄭彼注云六以  
候也八十分為一日日之七者一卦六日七分也又  
易是類謀曰冬至日在坎春分日在震夏至日在離  
秋分日在兌四正之卦卦有六爻爻主一氣餘六十  
卦卦主六日七分八十分日之七歲有十二月三百  
六十五日四分日之一六十而一周尋易緯之義坎  
離震兌各主一方爻主一氣二十四爻主三百六十日  
其餘六十卦卦有六爻爻主一日凡主三百六十日

餘有五日四分日之一者以八十分為日法五十分  
為四百分四分日之一又分為二十分是四百二十  
分六十卦分之六七四十二卦別各得七分是每卦  
六日七分也中孚至復六日七分已在七日之限故  
云舉其成數言之而云七日也易之剝太元準之以  
割其辭曰陰氣割物陽形縣殺七日幾絕七日謂中  
孚一卦是子雲亦用卦氣六日七分之說陽息至  
攸往此虞義也陽息二成臨至泰成乾泰小往大  
來故君子道長謂往成乾故利有攸往也荀氏至  
五也利往居五亦謂陽息至五得位得中則君子  
道長小人道消非謂初居五也陽息至五成夬雜卦  
曰夬決也剛決柔也君子道長小人道消也知義與  
也虞同

初九不遠復无祇悔元吉注有不善未嘗不知知之未

嘗復行故不遠復祇辭也震无咎者存乎悔故无祇  
悔得位應四故元吉六二休復吉注休美也乾為美  
比初為休復得中下仁故吉六三頻復厲无咎注頻  
顛也三失位故頻復厲動而之正故无咎一曰頻比  
也六四中行獨復注中謂初震為行初一陽爻故稱  
獨四得位應初故曰中行獨復以從道也俗說以四  
位在五陰之中而獨應復非也四在外體又非內象  
不在二五何得稱中行六五敦復无悔注過應于初

故曰敦復五失位變之正故无悔上六迷復凶有災  
眚注坤為迷高而无應故凶五變正時坎為災故有  
災眚用行師終有大敗以其國君凶注三復位體師  
故用行師上行師而距于初陽息上升必消羣陰故  
終有大敗國君謂初也受命復道當從下升今上六  
行師王誅必加故以其國君凶也至于十年不克征

注坤為至為十年坤反君道故不克征疏

有不元  
吉有不

善未嘗不知知之未嘗復行下繫文震无咎者存乎  
悔上繫文震彼注云震動也初動得正故无祇悔正

應在四中行獨復故元吉休美至故吉休美釋  
詰文乾以美利利天下故乾為美初陽在下為聖人  
二无應于上而比于初故為休復以柔居中故曰得  
中象曰休復之吉以下仁也得中下仁故吉也  
顛至无咎此虞義也頻古作顛說文曰顛水厓人  
所窟附顛顛不前而止从頁从涉三以陰居陽故失  
位无應于上顛顛而復故厲動正成乾故无咎鄭作  
顛義亦同也一曰頻比也頻字古有兩義一見  
上廣雅曰頻比也三與初二相比而復失位故厲之  
正故无咎義亦得通故曰頻比也載一說者所以廣  
字義明二義之外皆俗訓也中謂至中行此虞  
義也二五一卦之中也始復天地之中也故彖傳曰  
復其見天地之心董子以太極元氣函三為一中云者  
天地之太極三統歷曰太極元氣函三為一也  
極中也即復之初也元為仁故二云以下仁也極為  
中故四云中行獨復皆指初也聖人以復之初九喻



顏子顏子擇乎中庸得一善則拳拳服膺一善即復  
初也初不遠復擇乎中庸之謂也故謂中為初初體  
震故震為行初微謂之獨初即一也一猶獨也故云  
初一陽爻稱獨四得位應初故曰中行獨復象曰以  
從道也謂從初俗說已下鄭氏義也鄭氏謂爻處五  
陰之中度中而行四獨應初故云四位在五陽之中  
而獨應復復當作初也虞氏以其說非是而駁之曰  
四在外體外體中者五又非內象內象中者二卦唯  
二五稱中行既不在二五何得稱中行明易无是例  
也尋鄭氏注釋五經為東漢諸儒之冠而于易獨疎  
者案鄭自序曰黨錮事解注古文尚書毛詩論語為  
表譚所逼來至元城乃注周易在軍旅之中匆匆結  
撰故其注易獨疎于諸經時使之也過應至无悔  
初為卦主五在復家而非其應故曰過應敦厚于  
陽故曰敦復與臨艮上九同義也五以陰居陽故曰  
失位變之正故无悔也坤為至災青此虞義也

坤為迷九家說卦文虞氏謂坤實為迷也剝消艮八  
坤為先迷故為迷五爻皆復上往不反襄二十八年  
春秋傳曰復歸無所是為迷復是也居上故曰高三  
上皆陰故无應五之正上體坎坎為災故有災眚也  
三復至凶也三復位五體師坤為用震為行故  
用行師此虞義也上行師已下荀義也荀以坤為眾  
故用行師行師自上而為初所距故距于初初乾息  
坤故陽息上升陽長則陰消故必消羣陰上為終故  
終有大敗也震為諸侯國君之象故國君謂初虞氏  
本作邦君君謂始乾與荀異也震受乾命而復自道  
易氣從下生自下升上故云受命復道當從下升今  
上六專君命而擅用師王誅之所必加春秋五十凡  
曰凡師能左右之曰以臣擅君命是以其國君凶也  
坤為至克征說文曰至從高下至地從一一猶  
地也坤象傳曰至哉坤元故坤為至也繫上曰天九  
地十故為十年此上虞義也行師當奉君命上反君

道故十年不克征  
不克者義弗克也



巽宮四世卦  
消息九月

无妄无亨利貞其匪正有眚不利有攸往注遂上之初

妄讀為望言无所望也四已之正成益利用大作三

上易位成既濟雲行雨施品物流形故曰元亨利貞

其謂三三失位故匪正上動成坎故有眚體屯難故

不利有攸往災及邑人天命不右卦之所以為无望

也雜卦曰无妄災也疏

卦自遂來遂上九一爻來反  
于初與後世卦變之例不同

此虞義也。妄讀為望馬。鄭義也。九四可貞。故云。四已之。正四之。正成益。益初九。利用為大。作虞彼注云。大作謂耕播耒耨之利。蓋取諸此。三上易位。成既濟。乾升為雲。行坤降為雨。施品物流。形羣生暢。遂此神農既濟之時也。故曰元亨利貞。卦有既濟之道。而名无妄者。以三上二爻耳。其謂三三以陰居陽。失位不正。故云。其匪正。四之正。上動成坎。坎為多眚。故有眚體屯。說文曰。屯難也。象艸木之生屯然。而難易曰。屯剛柔始交。而難生。故曰體屯難。不利有攸往。屯卦辭。屯指初此指上也。災成于三窮于上。三曰邑人之災。上曰行有眚。彖傳云。天命不右行矣哉。故云。災及邑人。天命不右。卦之取義于无妄者。此也。引雜卦者。證无妄為災之義也。王充論衡曰。易无妄之應。水旱之至。自有期節。充云。易无妄者。謂易之无妄傳也。劉逵吳都賦注。引易无妄曰。災氣有九陽。阨五陰。阨四合。為九一元之中。四千六百一十七歲。各以數至。漢書律

歷志云易九厄曰初入元百六陽九孟康注云易傳也所謂陽九之厄百六之會尋九厄當作无妄即易无妄故孟康以為易傳篆无妄與九厄相似故誤從之易无妄傳疑七十子之門人所撰如魏文侯之孝經傳也律歷志又云經歲四千五百六十災歲五十七故一元之中四千六百一十七歲所謂易无妄之也應

初九无妄往吉注謂應四也四變得位承五應初故往

吉在外稱往六二不耕獲不菑畲凶則利有攸往注  
有益耕象遭无妄之世故不耕獲不菑畲凶應五則  
利故則利有攸往六三无妄之災或繫之牛行人之

得邑人之災注應在上上動體坎故稱災坤為牛乾  
為行人坤為邑人牛所以資耕蓄也繫而弗用為行  
人所得故災天子所居曰邑邑人災天下皆災矣九  
四可貞无咎注動則正故可貞承五應初故无咎九  
五无妄之疾勿藥有喜注坎為疾君以民為體邑人  
災君之疾也故曰无妄之疾巽為木艮為石故稱藥  
得位得正故勿藥有喜陽稱喜也上九无妄行有眚  
无攸利注動成坎故行有眚乘剛逆命故无攸利天

命不右行矣哉疏謂應至稱往此虞義也初正應

承五下應初往則吉故往吉四在外故云在外稱

有益耕象虞義也謂四之正體益故云有益耕象義

見上也釋地曰一歲曰菑二歲曰新田三歲曰畚孫

災注云菑始災殺其草木也新田新成柔田也畚和

也田舒緩也凶凶年也遭无妄之世天下雷行物與

无妄不能耕而獲不能菑而畚故凶也舊脫凶字故

卦義不明禮記坊記有之蓋七十子所傳當得其實

也二正應五故應五則利在外曰往故則利有攸往

謂往五也應在至災矣三與上應故應在上上

動體坎坎為災故稱災坤為牛說卦文乾為人故為

行人坤為邑故為邑人已上皆虞義也海內經曰后

稷是播百穀稷之孫叔均是始作牛耕郭璞注云始

用牛犁故云半所以資耕菑也孔子弟子冉伯牛名

義也四已正故上動成坎坎為多眚故行有眚上柔	勿藥有喜陽稱喜亦虞義也動成至矣哉此虞	居五故得位得正五乾為先王以茂對時育萬物故	美疾不如惡石服虔注云砭石也故知木石為藥九	木艮為小石草木所以治病春秋襄二十三年傳曰	之疾也巽為木艮為石故稱藥虞義也說卦曰巽為	心惜怛故云君以民為體邑人災則支體傷故云君	為疾漢書武帝紀曰君者心也民猶支體支體傷則	至无咎此虞義也坎為至喜也坎折坤體動則	邑舉邑以繫天下故云邑人災天下皆災矣動則	邑謂殷也文王演易據夏商之禮故以天子所居為	殷曰商邑周曰京師尚書曰率割夏邑謂桀也在商	之極毛傳曰商邑京師也是以白虎通曰夏曰夏邑	災也夏商天子之居名邑詩殷武曰商邑翼翼四方	矣无妄之世故繫而弗用為行人所得不耕不菑故	耕新書鄒穆公曰百姓飽牛而耕則牛耕始于三代
----------------------	--------------------	----------------------	----------------------	----------------------	----------------------	----------------------	----------------------	--------------------	---------------------	----------------------	----------------------	----------------------	----------------------	----------------------	----------------------



乘剛逆巽之命故无攸利彖傳天命不右行矣哉正謂上也故引以釋行有眚而无妄之義亦可見矣



艮宮二世卦  
消息八月

大畜利貞注大壯初之上與萃旁通陽稱大謂艮上也

以艮畜乾故曰大畜二五失位故利貞不家食吉注

二稱家體順養居外是不家食吉而養賢利涉大川

注二變體坎故利涉大川疏

大壯至利貞卦自大壯來初九之上傳謂其

德剛上也與萃為旁通此上虞義也卦有小畜大畜陰稱小陽稱大小畜謂四四陰故小大畜謂上上陽

故大上體艮為止畜者斂聚有止義以艮畜乾謂之大畜也又有畜養之義故取義于畜德養賢二五

失位故利貞亦虞義也 二稱至養賢 二稱家虞  
義也義見蒙卦體順養已下鄭義也 三至上體順順  
者養也而在外卦是不家食吉而養賢言人君有大  
畜積不唯與家人食之而已當與賢者共之故得吉  
也 二變至大川 此京義也二變有  
坎象坎為大川涉坎居五故利涉大川

初九有厲利已注厲危已止也二變四體坎故有厲應

在艮艮為止故利已九二舉說腹注萃坤為舉為腹

坤消乾成故舉說腹腹或作輶也九三良馬逐利艱

貞曰閑輿衛利有攸往注乾為良馬逐進也二已變

三在坎中故利艱貞曰讀為日离為日坎為閑習坎

為車輿乾人在上震為驚衛講武開兵故日閑輿衛  
也往往應上六四童牛之告元吉注艮為童萃坤為  
牛告謂以木輻其角大畜畜物之家惡其觸害巽為  
木施木于牛角故曰童牛之告得位承五故元吉六  
五積豕之牙吉注豕子曰積二變坎為豕牙杙也以  
杙繫豕故積豕之牙動而得位故吉上九何天之衢  
亨注乾為首首肩之間荷物處乾為天艮為徑路天  
衢象故何天之衢亨上變坎為亨也疏

厲危至利已  
厲危義見

乾卦趙岐注孟子曰已止也應在四二變故四體坎  
坎為疾為災故厲四體艮故應在艮說卦曰艮止也  
故艮為止以艮畜乾而又在初故利已乾為利也  
萃坤至輓也此虞義也旁通萃故萃坤為舉為腹  
變從旁通故坤消乾成為舉說腹與小畜同義也腹  
讀為輓腹古文輓今文故云腹或為輓也乾為至  
應上乾為良馬說卦文乾善故良又為馬故為良  
馬此虞義也逐進京義也應在上尚賢故三進良  
馬逐之象也二已變以下虞義也二變三體坎坎為  
艱三得正故利艱貞曰讀為日虞鄭讀也離為日說  
卦文馬鄭皆云閑習也坎稱習坎故為閑習尚書大  
傳曰戰鬪不可不習故于搜狩以閑之是也坤為大  
輿故為車輿二居五故乾人在上震驚百里故為驚  
衛晉語曰車有震武震為講論故講武閑兵鄭氏謂  
日習車徒是也三正應上故云往往應上艮為至  
元吉此虞義也蒙六五體艮為童蒙故知艮為童

旁通萃故萃坤為牛說文曰告从口从牛牛觸人角  
著橫木所以告故云告謂以木楅𨔵其角也周禮封人  
曰凡祭祀飾其牛牲設其楅𨔵鄭彼注云楅𨔵設于角  
詩閟宮曰夏而楅𨔵毛傳云楅𨔵設牛角以楅𨔵之所  
謂木楅𨔵其角也告俗作犛今從古大畜之家取象牛  
豕義取畜養豕交獸畜亦有畜義故云畜物之家牛  
觸舐人故惡其觸害巽為木鄭義也五之正四體巽  
故施木于牛角防其觸害也四得位上承九五故元  
吉初利已故不言應初也豕子至故吉釋獸曰  
豕子豬豕豕積豕幼郭璞云俗呼小豕豕為豕子豕  
生者為豕豚故云豕子為豕豕猶豕也坎為豕  
虞義也牙者畜豕之杙故云牙杙也東齊海岱之間  
以杙繫豕防其唐突與童牛之告同義也動而得位  
故吉虞義也五失正動得位故吉乾為至亨也  
此鄭虞義也乾為首說卦文何讀為荷首之下肩之  
上荷物之處六爻初為足上為首故取象于何也乾

為天艮為徑路皆說卦文衢者九交之道天有九道  
天衢之象故云何天之衢也坎為通唯心亨上變體  
坎故坎為亨象  
曰道大行也



巽宮游魂卦  
消息十一月

頤貞吉注晉四之初與大過旁通卦互兩坤萬物致養

故名頤三之正五上易位故頤貞吉養正則吉也反

復不衰與乾坤坎離大過小過中孚同義故不從臨

觀四陰二陽之例或以臨二之上觀頤自求口實注

離為目故觀頤觀其所養或以卦自觀來故觀頤大

過兌為口或以臨兌為口口實頤中物謂其自養疏

晉四至上

注云

晉離為龜四之初故舍爾靈龜是知卦自晉來

與大過旁通也此上虞義也卦自二至五有二坤京

氏謂地之氣萃在其中是也說卦曰坤也者地也萬

物皆致養焉頤者養也故名頤此鄭義也六爻三五

上失正三之正五上易位則六爻皆正故曰頤貞吉

傳曰養正則吉也須養乃正故不言元亨利貞而六

爻之象亦不皆以正言也卦有反復如泰反為否否

反為泰故雜卦曰否泰反其類也反復不哀謂反復

皆此卦也故繫上曰古之聰明睿知神武而不殺者

夫殺讀為哀虞彼注云在坎則聰在離則明神武謂

乾睿知謂坤乾坤坎離反復不哀故而不殺者夫四

卦之外又有頤大過小過中孚故云反復不哀與乾

坤坎離大過小過中孚同義頤與七卦同義故不從

臨觀四陰二陽之例臨觀二卦皆四陰二陽也入載或說曰若從是例則自臨二之上成頤也此上皆虞義也 離為至自養 離為目晉離也觀頤觀其所養彖傳文此上虞義也頤而言觀故或以卦自觀來亦從四陰二陽之例也大過兌為口已下亦虞義也頤與大過旁通大過體兌故兌為口臨兌亦為口故并著或說也口中之實如頤中有物故云口實頤中物傳曰自求口實觀其自養也義詳彖傳

初九舍爾靈龜觀我朵頤凶注晉離為龜四之初故舍

爾靈龜我謂上頤下垂為朵上由頤故觀我朵頤求

養于上失所養也故凶或說頤本末皆剛象物外骨

故云龜六二顛頤句拂經于丘 句頤征凶注顛謂上



拂違也坎為經邱謂五二宜應五過五而養于上故  
曰顛頤違常于五故拂經于邱往上則凶故頤征凶  
六三拂頤貞凶十年勿用无攸利注三失位體剝故  
拂頤不正相應弑父弑君故貞凶坤為十年動无所  
應故十年勿用无攸利也六四顛頤吉虎眈眈其  
欲汲汲无咎注四得位而養于上故顛頤吉坤為虎  
離目為視坎為欲虎眈眈上也眈眈視之專也汲汲  
求而遂也上施而得其欲故无咎六五拂經居貞吉

不可涉大川注失位无應故拂經艮為居與上易位

故居貞吉坎為大川養道成于上故不可涉大川上

九由頤厲吉利涉大川注由自也上為卦主眾陰順

承故由頤失位故厲變之正故吉之應歷五故利涉

大川疏

晉离至云龜說卦文四體

离為龜四之初故舍爾靈龜卦自晉來故曰晉离离為龜

龜稱靈者著神為陽龜靈為陰故褚先生據傳曰上有持著下有神龜管子曰伏聞能存能亡者著龜與

龍是也龜生于水發之于火于是為萬物先為禍福正故謂之靈龜也此上虞義也上為卦主故我謂上

采下垂貌震為動觀我采頤動于欲也龜養于內者初舍之而求養于上失自養之義故凶或說以下廣

異義也說卦離為龜取外剛內柔頤初上兩陽而包  
四陰故云本末皆剛考工記外骨龜屬故取象于龜  
損二至上益初至五皆有頤象故損之六五益之六  
二皆言龜義或然也然漢學無有及此者 顛謂至  
征凶 釋言曰顛頂也 郭璞注云頭上廣雅曰顛末  
也上為頂為末故顛謂上拂違王肅義也字本作拂  
與拂通坎為經虞義也虞注賁六五曰五體艮艮為  
山五半山故稱邱王肅亦以邱為六五也二正應五  
今過五而求養于上故曰顛頤經常也過應于上則  
違常于五故云拂經于邱矣征行也震為行求養而  
往則凶故頤征凶也 三失至利也 此虞義也三  
陰不正故失位二至上體剝違于養道故拂頤三既  
失正上亦不正故不正相應陰消至二艮子弑父至  
三成否坤臣弑君故貞凶易凡言貞吉者皆得位或  
變之正故吉其言貞凶者皆謂不正而凶故荀注巽  
上九貞凶云正如其故則凶亦謂上失正不變而凶



川上由頤故養道成于上四陰皆養于上五雖之正  
養道未成故不可涉大川由自至大川此虞義  
也由自也釋詁文與豫九四同義衆陰四陰也四陰  
互兩坤有致養之義而主之者上也故為卦主坤為  
順衆陰承上故由頤也上失位故厲與五易位變之  
正故吉三五已正五正應二上正應三故利涉大川  
蓋養道至是而始成也



震宮游菟卦  
消息十月

大過棟橈注大壯五之初或兌三之初與頤旁通大謂

陽大過陽爻過也棟橈謂三巽為長木稱棟初上陰  
柔本末弱巽橈萬物故棟橈利有攸往亨注謂二也

剛過而中失位无應利變應五之外稱往故利有攸

往乃亨疏

大壯至棟橈卦自大壯來六五之初入與乾坤坎離同義反復不衰不從四陽二

陰之例故云或兌三之初旁通頤也此上虞義也陽大陰小故大謂陽大過陽爻過鄭義也謂二取初五

取上三棟橈四有它吝四陽爻皆失之過故名大過虞氏謂大謂二二失位故大者過與鄭異也棟橈謂

三已下虞義也九三棟橈故知棟橈謂三巽為長為木故為長木棟屋楹以長木為之故巽為長木稱棟

初上陰柔初為本上為末故本末弱說卦曰橈萬物者莫疾乎風是巽橈萬物者故云棟橈橈曲折也

謂二至乃亨此虞義也二失位故利有攸往謂二剛過而中彖傳文二失位而與五敵應故失位无應

變與五應則利故利變應五之外曰往在內曰來二之五是之外故利有攸往乃亨

初六藉用白茅无咎注位在下稱藉巽柔白為茅故藉  
用白茅失位咎也與四易位故无咎九二枯楊生梯  
老夫得其女妻无不利注梯謂初發孚也巽為楊乾  
為老老楊故枯二體乾老稱老夫巽長女生梯為女  
妻老夫得其女妻得初也過以相與故无不利虞氏  
以兌上為女謂二過五應上九三棟橈凶注應在上  
未弱過應初本弱故棟橈凶九四棟隆吉有它吝注  
巽高為隆故棟隆初四易位故吉應上非正故有它

吝九五枯楊生華老婦得其士夫无咎无譽注兌反  
巽為枯楊柔在上故生華巽為婦乾為老故稱老婦  
士夫謂五大壯震為夫兌為少故為士夫老婦得其  
士夫謂上得五也五得位故无咎陰在二多譽今在  
上故无譽虞氏以巽初為老婦謂五過二應初上六  
過涉滅頂凶无咎注一為過再為涉三而弗改故滅  
頂凶上為頂也乘剛咎也得位故无咎疏位在至无  
咎周禮  
鄉師云大祭祀共茅藉鄭興注云祭前藉藉在下故  
云位在下稱藉以象初也巽之柔爻為草又為白故



云巽柔白為茅此上虞義也初失位當有咎也與四  
易位得正故无咎也梯謂至應上梯鄭氏作萑  
云木更生梯萑古文通而在下故梯謂初夏小正曰  
梯發孚也巽為楊九家說卦文兌為澤巽之剛爻為  
木澤木楊也四月乾已老故乾為老方言曰乾老也  
義出易郭璞音干失之虞氏謂陽在二臨十二月時  
周之二月兌為雨澤枯楊得澤復生梯也二體乾故  
老夫謂二巽為長女而生梯故為女妻二與初比而  
得初故云老夫得其女妻謂得初也大過之家過以  
相與女妻有子繼世承祀故无不利虞氏謂大過之  
爻得過其應以兌上為少女故曰女妻二過五應上  
而取上之女妻義亦通也應在至撓凶三應在上  
上上柔爻故末弱過上應初亦柔爻故本弱傳曰  
本末弱正指三所應之爻所應皆弱故凶也巽高  
至它吝隆高也巽為高故云巽高為隆棟隆之象  
初四二爻皆失位易位則吉故棟隆吉過應上則撓

故有它吝非應稱它也 兌反至應初 虞注觀六  
二曰臨兌為女兌女反成巽是兌為反巽也故荀注  
中孚云兩巽對合大過者中孚兩象易亦得兩巽  
也二五體巽乾故皆取象于枯楊柔在初為本故稱  
梯柔在上為未故稱華巽為婦已下皆虞義虞唯初  
為老婦為異也二五兩爻之義馬氏荀氏與虞不同  
馬取一卦之義以初為女妻上為老婦荀以初陰失  
正當變數六為女妻二陽失正數九為老夫以五陽  
得正位不變數七為士夫上陰得正數八為老婦尋  
六為老陰而稱女妻八為少陰而稱老婦荀氏之說  
于理有乖故虞氏同之俗說虞以上為梯初為華于  
卦義亦不足今兼取三家之說而折中焉 一為華于  
无咎 風俗通曰涉始于足足率長十寸十寸則尺  
一躍三尺法天地人再躍則涉所謂一為過再為涉  
三而弗改謂至上也案涉從水從步長六尺以長  
為深則涉深六尺過涉則水益深故滅頂凶兌澤稱

滅者周語太子晉曰澤水之鍾也象傳曰澤滅木木尚可滅則有滅頂之義也此上漢趙溫義也頂首也釋言曰顛頂也故知上為頂上乘四剛故有咎以陰居陰得位故无咎此上虞義也虞注過涉滅頂云大壯震為足兌為水澤震足沒水故過涉也乾為頂頂沒兌水中故滅頂凶虞以五乾為頂而沒上兌水中故滅頂不以上為頂于卦義稍闕也



八純卦象水消息冬至

習坎有孚注乾二五之坤與離旁通于爻觀上之二習重也孚信謂二五維心亨注坎為心乾二五旁行流坤陰陽會合故亨行有尚注行謂二尚謂五二體震

為行動得正故行有尚往有功也疏

乾二至二五此虞義也坎離

自乾坤來乾二五之坤成坎與離旁通若從四陰二陽之例則觀之上爻之二故云于爻觀上之二習坎重險故云習重也虞謂習為常于象義不協故易之也孚信釋詁文二五剛中故孚信謂二五虞氏謂水行往來朝宗于海不失其時如月行天故習坎有孚也坎為至故亨此虞義也說卦坎為極心故為心乾二五之坤成坎坎水流坤故旁行流坤乾交于坤陰陽會合故亨也行謂至功也此虞義也行謂二尚與上通二上與五故尚謂五二體震為行謂互震也二失位動得正應五行有尚往有功也彖傳文

初六習坎入于坎窞凶注在重坎之家故曰習坎坎為

入坎中小穴稱窞初以陰居下故入于坎窞凶九二  
坎有險求小得注陽陷陰中故有險陰稱小二據初  
陰故求小得六三來之坎坎險且枕入于坎窞勿用  
注在內曰來往來皆坎故來之坎坎枕止也艮為止  
三失位乘二則險承五隔四故險且枕居上坎之下  
故入于坎窞勿用者誠上也六四尊酒簋貳用缶內  
約自牖終无咎注震主祭器故有尊簋坎為酒貳副  
也禮有副尊坤為缶故貳用缶內入也坎信為約艮

為牖薦信于鬼神奠于牖下故內約自牖得位承五  
故无咎九五坎不盈禔既平无咎注盈溢也艮為止  
謂水流而不盈坎為平艮止坤安故禔既平得位正  
中故无咎上六繫用徽纆寘于叢棘三歲不得凶注  
繫拘也巽為繩坤為黑故為徽纆寘示也坎為叢棘  
艮為門闕門闕之內有叢木是天子外朝左右九棘  
之象也應在三三體比匪人故縛以徽纆示于叢棘  
而使公卿以下議之害人者加明刑任之以事上罪

三年而舍中罪二年而舍下罪一年而舍不得者謂

不能改而不得出獄艮止坎獄乾為歲歷三爻故三

歲不得凶疏

在重至窩凶

卦名習坎故云在重坎

字林曰窩坎中坎也初本陰爻而又在下陰稱小

入于坎窩之象失位無應故凶也陽陷至小得

此虞義也說卦曰坎陷也乾二之坤二足陽陷陰中

故有險陽大陰小故陰稱小初陰也二據初陰故求

小得謂得初 在內至上也 在外曰往在內曰來

易例也言內則有外之辭往來皆坎故來之坎坎人

居陽故失位二坎有險故乘二則險陸績云枕有闕

礙之貌三上承五隔于六四故險且枕此上虞義也

不正為小人。小人勿用，應在上。故誠上勿用也。震  
主至无咎。此虞義也。序卦曰：主器者莫若長子，謂  
主祭器故震主祭器尊簋缶皆祭器也。祭尚玄水，坎  
水為酒貳副也。注：酒于尊中曰副。周禮：酒正云：大祭  
三貳中祭再貳小祭壹貳。鄭彼注云：貳副益之也。第  
子職曰：周旋而貳，故云禮有副尊。坤器為缶，義見此  
卦。坎為入，內同物，故云內入也。坎為信約者，約信  
也。故坎信為約，虞以四陰小，故約非其義。故易之也。  
隱三年春秋傳曰：苟有明信，澗谿沼沚之芼蘋蘩蕓  
藻之菜，可薦于鬼神，是薦信于鬼神之事。坤為鬼，乾  
為神也。詩采蘋曰：于以奠之，宗室牖下。毛傳云：奠于  
牖下，是內約自牖之義也。四得位上承九五，故有是  
象而无咎也。盈溢至无咎，此虞義也。水泛溢為  
盈，故云盈溢也。體坎互艮，坎流艮止，故流而不盈。水  
性平，故坎為平。京房許慎皆云：禊安也。坤卦辭云：安  
貞吉，故艮止坤安，既安且平，水之德也。五得位得中。



故其象雖不盈而有安平之德為无咎也繫拘至  
得凶此鄭虞九家義也隨上六曰拘繫之故云繫  
拘也巽為繩觀巽也坤為黑說卦文虞云徽纆黑索  
也巽繩坤黑故云徽纆示真也者詩鹿鳴曰示我周  
行鄭箋云示當為寘禮記中庸曰治國其如示諸掌  
乎鄭注云示讀如寘之河之干之寘是示寘置三字  
同物故劉表張璠或作示或作置也坎為叢棘九家  
說卦文艮為門闕說卦文周禮秋官司朝士掌建邦外  
朝之法左九棘孤卿大夫位焉右九棘公侯伯子男  
位焉外朝在臯門之內故云門闕之內有叢木是夫  
子外朝左右九棘之象也朝士又云左嘉石平罷民  
焉右肺石達窮民焉鄭氏謂罷民邪惡之民也上應  
在三二動三體比匪人有邪惡之罪故縛以徽纆示  
于叢棘鄭氏謂外朝者所以詢事之處故使公卿以  
下議之劉表亦云衆議于九棘之下也害人者加明  
刑已下至下罪一年而舍皆秋官司圜文也鄭彼注

云明刑書其罪惡于大方版著其背任之以事若今時罰作舍釋之也司圜又云其不能改而出圜土者殺故不得者謂不能改而不得出獄良止坎獄言止于獄也乾為天天數十二歲有十二月故乾為歲二之上歷三爻為三歲三歲不改則不得出獄出獄則殺故凶也



八純卦象火  
消息夏至

離利貞亨畜牝牛吉注坤二五之乾與坎旁通于爻遯

初之五四五上失正利出離為坎故利貞亨畜養也

坤為牝牛乾二五之坤成坎體頤養故畜牝牛吉疏

此虞荀義也離自坤來坤二五之乾成離與坎旁通若從四陽二陰之例則遯初爻之五故云于爻遯初

之五離外三爻失位利變之正與坎旁通出離為坎則成既濟故利貞亨坤為牝九家說卦文又說卦坤為子母牛故為牝牛與坎旁通乾二五之坤成坎二至上體頤養象故畜牝牛出離為坎重明以麗乎正乃化成天下故吉也

初九履錯然敬之无咎注初為履履禮也錯置也初得

正故履錯然乾為敬與四敵應四亦如故敬之无咎  
六二黃離元吉注二在下中故曰黃離五動應二故  
元吉與坤五同義九三日昊之離不擊缶而歌則大  
耆之差注三不中故曰日昊艮手為擊坤為缶震為

音聲兌為口故不擊缶而歌乾老為耆體大過故大  
耆之差九四吝如其來如焚如死如棄如注吝不順  
忽出也四震爻失正故吝如與初敵應故來如離燄  
宣揚故焚如體大過死象故死如火息灰損故棄如  
不孝之罪五刑莫大燒殺棄之不入于兆也六五出  
涕沱瀧戚羞瀧吉注五失位出離為坎震為出離為  
目坎涕出目故出涕沱瀧坎憂為戚震為聲兌為口  
故戚羞瀧動得正尊麗陽故吉也上九王用出征有

嘉折首獲匪其醜无咎注五已正乾為王坤衆為師

震為出故王用出征乾上為首兌為折上變體兌折

乾應在三故有嘉折首醜類也獲獲四也以上獲四

故匪其醜爻皆得正故无咎疏初為至无咎鄭禮

也統之于心曰體踐而行之曰履初為足故為履此

經錯字馬氏音七路反序卦曰履者禮也又曰有上

下然後禮義有所錯故云錯置也禹為火火行禮初

得正履有所錯故履錯然乾為敬義見乾卦坤二五

之乾初本乾也故乾為敬初四皆陽故敬應四蒸如

其來如與初相犯故敬之无咎禮以敬為主也二在


至同義九家說卦曰坤為黃黃者中之色而在二

為下中故曰黃禹應在五五失位動應二故元吉坤

黃裳元吉亦是降乾二而上承五與離二同義也  
三不至之差荀云初為日出二為日中三為日晷  
三不中故云吳謂過中也艮坎艮也艮為手故艮手  
為擊坤器為缶震坎震也震善鳴故為音聲兌上開  
似口故不擊缶而歌乾為老釋言曰耆老也倍九年  
春秋傳曰以伯舅耆老故知乾老為耆二至五體大  
過大過死象故云大耋之差差古文嗟釋詁云嗟也  
三為下體之終又艮爻艮終萬物故有是象俗本差  
下有凶字者衍文也 亦不至兆也 此鄭荀許慎  
如淳義也說文曰去不順忽出也從倒子或從宀即  
古文易突字突猶衝也太玄曰衝衝兒遇不肖子也  
四震爻鄭氏謂震為長子爻失正譬之倒子故云亦  
又云四為巽巽為進退不知其如故亦如也自內曰  
來與初敵應故來如離為火離蹇宣揚故焚如體大  
過死象故死如火息則灰損當棄之故棄如孝經曰  
五刑之屬三千而罪莫大于不孝故云不孝之罪五

刑莫大焉如淳曰焚如死如棄如者謂不孝子也不  
畜于父母不容于朋友故燒殺棄之同禮秋官掌戮  
曰凡殺其親者焚之故鄭氏謂焚如殺其親之刑刑  
人之喪不居兆域不序昭穆故燒殺棄之不入于兆  
也說文曰棄捐也從禾畝逆子也此倉頡制字之義  
也四所以取義于子者火有養母之法白虎通曰子  
養父母何法法夏養長木是以荀爽對策曰萬在地  
為火在天為日在天者用其精在地者用其形夏則  
火王其精在天溫暖之氣養生百木是其孝也冬時  
則廢其形在地酷烈之氣焚燒山林是其不孝也蓋  
其義矣五失至吉也此荀爽義也彖傳曰柔麗  
乎中正故亨虞彼注云柔謂五陰中正為五伏陽出  
在坤中故出離為坎謂離化為坎也帝出乎震故震  
為出鄭氏云自目曰涕坎水為涕坎從離出故坎涕  
出目從古文若若詞也鄭注尚書金縢云戚憂也坎  
為加憂故為戚震聲兌口戚差之象五失位動得正

柔麗乎中正尊麗陽故吉也五已至无咎五已  
 出离坎五本乾故云五已正乾為王坤為眾說卦文  
 師眾也故坤眾為師震為出故王用出征爻例上為  
 首五正上體乾故云乾上為首兌為毀折故為折上  
 變體兌正應在三為嘉以兌折乾故有嘉折首學記  
 曰此物醜類周語曰况爾小醜常昭云醜類也四不  
 順故云獲獲四也爻相應者曰類上非四應  
 故獲非其醜出离為坎爻皆得正故无咎也



周易述卷四



欽定四庫全書

經部  
周易述卷

六五

總校官進士臣繆 琪

校對官中書臣李 荃

謄錄監生臣徐紹城

欽定四庫全書

周易述卷五

元和惠棟撰

周易下經



兌宮三世卦消息五  
月歲至邁六日七分

咸亨利貞取女吉注咸感也坤三之上成女乾上之三

成男乾坤氣交以相與止而說男下女故通利貞取

女吉琬

此虞義也咸感也象傳文卦自否來否三之上三本坤也故云坤三之上成女成兌女也

上本乾地故云乾上之三成男成艮男也否三之上乾坤氣交以相與止艮說兌艮男下兌女故通利貞

取女吉謂五取上三取  
二初四易位初取四也

初六咸其母注母讀為拇足大指也初足為母坤亦為  
母四感初故咸其母六二咸其腓凶居吉注腓膊腸  
也二為腓三感二故咸其腓失五正應故凶艮為居  
得位居中故居吉九三咸其股執其隨往吝注三為  
股巽亦為股二感三故咸其股巽為隨艮手稱執故  
執其隨初四變三歷險故往吝九四貞吉悔亡憧憧  
往來朋從爾思注失位悔也應初動得正故貞吉而

悔亡矣。憧憧往來，貌四之初為來，初之四為往。故憧憧往來矣。兌為朋，四于位為心，故云思初之四體坎亦為思，故朋從爾思也。九五咸其脢，无悔。注：脢，心之上口之下也。五為脢，上感五，故咸其脢。五弇于上，宜有悔矣。得正，故无悔。上六咸其輔頰，舌注：輔頰，舌謂上也。兌為輔頰，為口舌。五與上比，上不之，三故咸其上。

輔頰舌象曰：賸口說也。疏

母讀至其母子夏作踣與母同

馬古文拇

皆云：足大指也。伏羲作易，近取諸身，下經人事，首咸故一卦六爻皆取象于人身。初為足，二為腓，三為股。

四為心五為脢上為輔頰舌是也虞云坤為母說卦  
坤為母母同物故云坤亦為母初與四應四感初  
初為足故咸其母也腓腓至居吉腓腓腸鄭義  
也腓腓次于母上二之象故二為腓三據二故咸其  
腓二正應五而比於三失五正應故凶以陰居二得  
位居中故居吉也三為至往吝股胫而次於腓  
上三之象故三為股巽為股說卦文三體巽故巽亦  
為股二感三故咸其股二感三而三亦感二象傳所  
云二氣感應以相與也足行而股隨故巽為隨女隨  
男亦為隨也艮為手以手執物故為執初四易位四  
體坎三歷險應上故往吝又三已據二不兼與上也  
此兼虞義失位至思也四失位宜有悔與初易  
位故應初動得正貞吉而悔亡矣廣雅曰憧憧往來  
也之內曰來故四之初為來之外曰往故初之四為  
往憧憧往來之象也咸至始六日七分陰消之卦與  
時消息故取義于往來耳兌二口相對為朋四于爻

位為心故云思初之四體坎坎亦為思故朋從爾思也此兼真義 悔心至无悔 悔心之上口之下王弼義也四為心上為口五在其中故云心之上口之下五與上比上感五故咸其脢五陽上陰故五弇于上宜有悔矣得正得中故无悔也 輔頰至說也虞云耳目之間稱輔頰又說文曰輔頰也尋輔近口在頰前故淮南子曰鑿輔在頰前則好是也耳目之間為權權在輔上故曹植洛神賦云鑿輔承權夫九三壯于頄頄即權也頄所以含物輔所以持口輔頰舌三者並言明各為一物是輔近頄而非頄虞以權為輔說文以輔為頄皆非也上為首故輔頰舌謂上也兌為輔頰九家說卦文五與上比上不之三故咸其輔頰舌徒以言語相感而已 傳曰滕口說也言徒送口說



震宮三世卦消息內卦六月外卦七月

恒亨无咎利貞利有攸往注泰初之四與益旁通恒震

世也巽來承之長男在上長女在下陰陽會合故通

无咎初四二五失位利變之正故利貞之外曰往疏

泰初之四與益旁通虞義也恒震宮三世卦故云震  
世一世界二世解三世而下體巽故云巽來承之內

巽外震震長男巽長女故云長男在上長女在下男  
女會合天地交而萬物通故通无咎此上荀義也初

四二五四爻失位利變之正故利貞初利往之四二  
利往之五四五皆在外卦故云之外曰往彖傳曰恒

久也尋恒體震巽八卦諸爻唯震巽變故虞註六五  
及彖傳曰終變成益是也六爻皆變不可為恒而名

恒者其義有三焉夫婦之道不可以不久恒震夫巽  
婦陰陽會合雜而不厭一也卦唯三上得正上震恒

凶則守正者唯九三一爻耳故象傳曰君子以立不易方二也終變成益則初四二五皆得位繫下曰易窮則變變則通通則久恒者久也故都其義于五曰恒其德三也有此三義故名恒也

初六濬恒貞凶无攸利注陰在初稱濬濬深也四之初

故濬恒貞凶无攸利九二悔亡注失位悔也動而得

正處中多譽故悔亡九三不恒其德或承之羞貞吝

注三體乾為德變失位故不恒其德坤恥為羞變至

四體坤故或承之羞三多凶變失位與上敵應故貞

吝九四田无禽注田獵也五坤為田四欲獵五五已



之正故田无禽六五恒其德貞婦人吉夫子凶注動

正成乾故恒其德婦人謂巽初終變成益震四復初

婦得歸陽從一而終故貞婦人吉也震乾之子而為

巽夫故曰夫子震四從巽死於坤中故夫子凶也上

六震恒凶注在震上故震恒五動乘陽故凶疏

陰在至攸

利陽在初為潛為淵皆深也故真注上繫曰深陽

也濬與浚通莊九年公羊傳曰浚之者何深之也故

云陰在初稱濬濬深也釋言文深為陽本體四陰之

初濬而後深故濬恒貞凶无攸利也失位至悔亡

此真義也二多譽故處中多譽三體至貞吝

三本乾也又互乾乾為德為久變失位故不恒其德

爻例無有得位而變者以巽于諸爻特變故云變失  
位耳羞者恥辱坤為恥故云坤恥為羞終變成益變  
之四則三體坤故或承之羞三多凶下繫文變至三  
與上敵應立心勿恒為上所擊故貞吝也田獵至  
无禽田者田獵故曰田獵也坤土為田五本坤也  
故五坤為田陰陽相比相應陰為陽得稱獲稱得稱  
禽四與五比而欲獵五二五易位五已之正故田无  
禽言无所得也動正至凶也此虞義也益自否  
來五本否乾故云動正成乾又凡五之正皆為乾也  
乾為德為久故恒其德初體巽巽為婦故婦人謂巽  
初終變成益初四得正震四復初為一巽四從陽  
故從一而終穀梁傳曰婦人以貞為行者故貞婦人  
吉也震為長子又為夫故云震乾之子為巽夫曰夫  
子也終變成益則震為巽互乾為坤坤為死震四從  
巽婦而死於坤中故夫子凶也在震至故凶此  
虞義也虞註說卦曰震內體為專外體為躁震動也

在震上處動極故震恒五之正則上乘陽故五動乘陽乘陽不敬故凶也震亦作振古文震振祇三字同物同音祇有者音故說文引易作楮恒也



乾宮二世卦  
消息六月

遂亨注陰消遘二也艮為山巽為入乾為遠遠山入巖故遂五陽當位正應在二故亨小利貞注陰稱小利

正居二與五相應疏陰消至故亨遂陰消之卦消山巽為入乾為遠遠山入巖故遂皆巽義也陽長為進陰消為退遂有退義故序卦曰遂者退也以陽居五故五陽當位與二正應乾坤交通故亨消至三則天地否隔不能通矣故二利居正與五相應此荀義

也

初六遂尾厲勿用有攸往注初為尾尾微也故遂尾初  
失位故危之應成坎為災故勿用有攸往六二執之  
用黃牛之革莫之勝說注艮手稱執坤為黃牛艮為  
皮故執之用黃牛之革莫无勝能說解也二得中應  
五固志守正故莫之勝說九三係遂有疾厲畜臣妾  
吉注二係三故係遂三多凶四變三體坎為疾故有  
疾厲遂陰剝陽三消成坤與上易位坤為臣兌為妾

上來之三據坤應兌故畜臣妾吉九四好遯君子吉  
小人否注乾為好陰得位為君子失位為小人動之  
初故君子吉消遯成否故小人否九五嘉遯貞吉注  
陰陽相應為嘉剛當位應二故嘉遯貞吉上九飛遯  
无不利注應在三四變三體離為飛上失位變之正  
故飛遯九師道訓曰遯而能飛吉孰大焉故无不利

乾為利也疏

初為至攸往  
文曰尾微也

古文通尚書鳥獸羣尾史  
文例初為尾上為角說

記作字微論語有微生高莊子作尾生微猶隱也陽  
伏遯初故云遯尾六居初為失位故危應在四初之

四體坎坎為災故勿用有攸往也 艮手至勝說  
 二體艮艮為手故艮手稱執坤為黃九家說卦文又  
 為子母牛故為黃牛艮為皮虞義也九家說卦曰艮  
 為膚皮膚同義故執之用黃牛之革考工記攻皮之  
 工五函鮑鞞常裘始拆謂之皮已乾謂之革既熟謂  
 之帝其實一物也莫无勝能說解皆虞義也二得位  
 得中正應在五固志守正无能解說故莫之勝說象  
 辭小利貞正此義也 二係至妾吉 遂成于二二  
 陰三陽二係于三故係遂遺初繫二亦是陰係于陽  
 也三多凶故危四變三體坎以下虞義也坎多背為  
 疾故有疾厲遂陰消之卦故遂陰剥陽三消成坤與  
 上易位者三五巽特變故從家人漸之例三動上反  
 三故三消成坤與上易位也三消成坤坤為臣與上  
 易位上體兌兌為妾上來之三據下之坤應上之兌  
 故畜臣妾吉荀氏謂潛遂之世但可居家畜養臣妾  
 也 乾為至人否 乾為好虞義也賈遠左傳註曰

好生於陽故乾為好乾鑿度觀四為君子否三為小  
人故知陰得位為君子失位為小人四失正動之四  
得位承五故君子吉消遠及否三失位為小人故小  
人否鄭氏讀否為否卦之否也陰陽至貞吉文  
言曰亨者嘉之會也昏禮為嘉陰陽相應義同昏  
故為嘉五剛當位正應在二故嘉遠貞吉也應在  
至利也三已變上之三故應在三四之初故四變  
三體離有飛鳥之象故為飛六居上為失位變之  
正故飛遠謂去而遷也九師道訓淮南王聘明易者  
九人所作遠微則厲係則疾飛則吉荀註乾九五曰  
飛者喻无所拘也上  
體乾故乾為利也



坤宮四世卦  
消息二月

大壯利貞注陽息泰也壯傷也大謂四失位為陰所乘

兌為毀折故傷與五易位乃得正故利貞也

疏此虞義也

陽息泰成大壯馬氏亦云壯傷也方言曰凡草木刺人北燕朝鮮之間謂之策或謂之壯郭璞註云今淮南亦呼壯為傷是也陽大陰小故大謂四以九居西為失位五陰乘之陰氣賊害又體兌兌為毀折故名大壯太玄準之以夷夷亦傷也四當升五與五易位則各得其正故利貞也

初九壯于止征凶有孚注初為止應在四震足亦為止

為征初四敵應故壯于止征凶四上之五成坎已得

應四故有孚九二貞吉注變得位故貞吉九三小人

用壯君子用罔貞厲注應在上也三陽君子小人謂



上二變三體离离為罔上乘五故用壯三據二故用罔體乾夕惕故貞厲羝羊觸藩羸其角注兌為羊陽息之卦故云羝藩謂四也羸讀為纍三欲觸四而應上故羸其角角謂上也九四貞吉悔亡藩決不羸壯于大舉之腹注失位悔也之五得中故貞吉而悔亡矣體夬象故藩決震四上處五則藩毀壞故藩決不羸腹讀為輶坤為大舉為腹四之五折坤故壯于大舉之腹六五喪羊于易无悔注四動成泰坤為喪也

乾為易四上之五兌還屬乾故喪羊于易動各得正而處中和故无悔上六羝羊觸藩不能退不能遂无攸利艱則吉注應在三故羝羊觸藩遂進也變之巽巽為進退故不能退不能遂五動上乘剛故无攸利

坎為艱藩決難解得位應三故艱則吉疏

初為至有字久例

初為止應在四四體震震為足為行故震足為止為征初四皆陽敵應无與故壯于止征凶四之五成坎坎為孚初正應四故有孚也此魚虞義變得至貞吉此虞義也三陽至貞厲此虞義也三正應上三陽君子謂乾三也小人謂上者上得位不得為小人大壯陽息之卦息至五體夫夫上為小人故

雜卦曰夬決也剛決柔也君子道長小人道消也是  
上為小人也二變三體離包犧作結繩以為罔罟蓋  
取諸離故離為罔五已正上逆乘陽故用壯三得位  
據二故用罔三多凶體乾三夕惕有危象故貞厲也  
故兌為至上也三體兌息至五上亦體兌兌為羊  
曰羝馬氏云藩籬落也四體震震為萑常為竹木故  
為藩也羸讀為累讀從鄭虞故馬氏云大索也四之  
五上變體巽巽為繩故為羸四為藩三欲觸四而應  
上故羸其角爻例上為角也此兼荀義荀唯以角謂  
五為異也失位至之腹此虞義也四失位宜有  
悔之五得正得中故貞吉而悔亡矣初至五體夬夬  
者決也故藩決四體震之五則震體壞故藩決不羸  
古腹輶復字止作復而此經輶字或又作腹故云腹  
讀為輶五本坤也坤為大舉為輶四之五體坎坎折  
坤體故壯于大舉之腹也四動至无悔此虞義

也四失位動成泰外體坤坤喪于乙故為喪也乾以  
易知故乾為易鄭氏謂易倣易也四上之五體坎坎  
五乾也故兌還屬乾喪羊于易也四五易位動各得  
正五處中應和故无悔矣應在至則吉此虞義  
也上應在三而隔于四四為藩故羝羊觸藩遂有進  
往之義故云進也五已正上變體巽震巽特變故云  
變也巽為進退說卦文應三隔四故不能退進窮于  
上故不能遂羸其角之象也乾為利五動正位上乘  
五剛故无攸利五正上體坎為艱藩決難解乾鑿度  
文四之五故藩決難解不變之巽得位應三故艱則  
也吉



乾宮遊覓卦  
消息二月

晉康侯用錫馬蕃庶晝日三接注觀四之五晉進也康

讀如康周公之康廣也坤為廣四為諸侯觀四賓王  
四五失位五之正以四錫初初動體屯震為諸侯故  
康侯坎為馬坤為用故用錫馬艮為多坤為衆故蕃  
庶離日在上故晝日三陰在下故三接矣疏卦自觀來從四

陰二陽之例觀六四進居五故曰晉進也康讀如祭  
統康周公之康鄭氏註禮引此為證故讀從之又鄭  
註康侯云康廣也謂襄廣其車服之賜也坤廣生故  
曰廣爻例四為諸侯觀之六四利用賓于王故觀四  
賓王四之五而皆失位五之正以四錫初謂初四易  
位也初動體屯謂初至五體屯也屯下體震震為侯  
卦辭曰利建侯四為諸侯以四錫初初震亦為侯康  
侯之象也坎為馬美脊坤為用故用錫馬錫讀納錫

錫貢之錫侯享王之禮觀禮匹馬卓上九馬隨之是其事也蕃多也庶衆也良為多坤為衆故蕃庶雜卦曰晉晝也離日在地上故晝日坤三陰在下故三接周禮大行人曰上公之禮廟中將幣三享出入三問三勞諸侯三享再問再勞諸子三享壹問壹勞是天子三接諸侯之禮也此兼虞鄭義一說三接王接諸侯之禮觀禮延升一也觀畢致享升致命二也享畢王勞之升成拜三也

初六晉如摧如貞吉罔孚裕无咎注晉進摧退也初進

居四故晉如四退居初故摧如動得位故貞吉罔无也四坎稱孚坤弱為裕五之正成巽初受其命故无咎也六二晉如愁如貞吉注坎憂為愁應在坎上故

愁如五變應之故貞吉受茲介福于其王母注乾為  
介福艮為手坤為虛故稱受謂五已正中乾為王坤為  
母故受茲介福于其王母六三象允悔亡注坤為象  
土性信故象允三失正與上易位故悔亡九四晉如  
碩鼠貞厲注四體坎艮艮為碩鼠在坎穴中故晉如  
碩鼠失位故貞厲六五悔亡矢得勿恤往吉无不利  
注失位悔也動之正故悔亡矢古誓字信也勿无恤  
憂也五變得正坎象不見故誓得勿恤五正二受介

福故往吉无不利上九晉其角維用伐邑厲吉无咎

貞吝注上為角坤為邑動體豫利行師故維用伐邑

失位故危變之正故厲吉无咎動入冥豫故貞吝

晉進至咎也晉進彖傳文何妥曰推退也初四得

位故貞吉罔无馬義也四體坎為孚四之初故罔孚

中互兩坤坤弱為裕五之正成巽巽為命初受其命

故无咎此兼虞義坎憂至貞吉二正應五故晉

如坎為加憂說文曰愁憂也五在坎上二五敵應故

愁如五失位變之正與二相應故貞吉此兼虞義

乾為至王母此虞九家義也馬氏云介大也乾為

大為福故為介福良為手坤陰為虛手虛能受故稱



于其王母矣坤為至悔亡此虞義也釋詁曰允  
信也坤為衆為土土性信故衆允以六居三為失正  
與上易位各得其正故悔亡也四體至貞厲四  
體坎互艮艮為碩為鼠故為碩鼠詩碩鼠序曰貪而  
畏人若大鼠四本三公之位以陽居陰而據坤田有  
似碩鼠坎窞為坎四體坎虞註說卦曰鼠似狗而小  
在坎穴中晉九四是也四失位不正而危故貞厲也  
失位至不利六居五為失位宜有悔也五之正  
故悔亡論語夫子矢之孔安國註云矢誓也矢誓同  
物同音故知矢為古誓字誓以著信故云信五體坎  
為憂變得正坎象不見故誓得勿恤五已之正二往  
應五受介福故往吉无不利乾為利也此兼虞義  
上為至貞吝爻例上為角虞氏謂五已變之乾為  
首位在首上故稱角義亦通也坤土為邑上動體豫  
豫豕曰利建侯行師行師侵伐故維用伐邑也動入  
冥豫荀義也豫上六曰冥豫故云動入冥豫兩陰无

應故貞  
吝也



坎宮遊魂卦  
消息九月

明夷注臨二之三而反晉也夷傷也明入地中故傷利

艱貞注謂三也三得正體坎為艱故利艱貞疏

臨二至故

傷之二此虞義也卦自臨來亦從四陰二陽之例臨九  
二之三而反晉者易例有卦之反爻之反卦之反  
卦也艮反震兌反巽明夷反晉之類是也否泰則旁通而兼反卦者也  
通也比大有之類是也否泰則旁通而兼反卦者也  
此不用旁通而用反卦者以上六初登于天為晉時  
後入于地為明夷時故用反卦與否泰反其類為一  
例也夷傷也序卦文離滅坤下六五失則九三升五  
不可疾正故明傷也謂三至艱貞彖傳謂文王

箕子以正人蒙難故利艱貞謂三三陽得正為君子而在坎獄中坎為艱文王蒙難而得身全箕子內難而正其志利艱貞之義也此兼虞義虞唯指五為異也

初九明夷于飛垂其翼君子于行三日不食注離為飛

鳥故曰于飛為坤所抑故垂其翼陽為君子三者陽

德成也震為行離為日晉初動體噬嗑食明夷反晉

故曰君子于行三日不食有攸往主人有言注應在

四故有攸往四體震為主人為言故主人有言六二

明夷睇于左股用拚馬壯吉注旁視為睇離為目陽

稱左謂九三也三在辰得巽氣為股二承三故睇于  
左股震為馬二正應五三與五同功二以中和應天  
合衆欲升三以壯于五故曰用拚馬壯吉九三明夷  
于南守得其大首不可疾貞注守獵也离南方卦故  
曰南守三上獵五乾為大首故得其大首自暗復明  
當以漸次不可卒正故曰不可疾貞六四入于左腹  
獲明夷之心于出門庭注左謂三坤為腹四欲上三  
居五故入于左腹三獲五體坎為心故獲明夷之心

震為出晉艮為門庭故于出門庭言三當出門庭升  
五君位六五其子之明夷利貞注其讀為亥坤終於  
亥乾出于子故其子之明夷三升五得正故利貞馬  
君俗儒讀為箕子涉彖傳而訛耳上六不明晦初登  
于天後入于地注應在三離滅坤下故不明晦晉時  
在上麗乾故登于天今反在下故後入于地疏離為至不  
食此荀虞義也說卦曰離為雉郭璞洞林曰離為  
朱雀故為飛鳥明入地中為坤所抑故垂其翼昭五  
年春秋傳曰日之謙當鳥飛不翔垂不峻翼不廣初  
體離而在坤下故有是象也泰彖傳曰君子道長君

子謂三陽春秋傳曰象日之動故曰君子于行是知  
陽為君子陽成于三故云三者陽德成也晉初動體  
噬嗑雜卦曰噬嗑食也明夷反晉故不食荀氏謂不  
食者不得食君祿也陽未居五陰暗在上初有明德  
恥食其祿故曰君子于行三日不食是其義也應  
在至有言初正應四自內曰往故有攸往震主器  
故為主入四互震而在坤體蹠人之辭多故主人有  
言也旁視至壯吉此鄭九家義也夏小正曰來  
降燕乃睇傳曰睇者眇也說文曰眇衰視也秦語故  
鄭注內則亦曰睇傾視也離為目故為睇管子宙合  
曰君立於左臣立於右此君臣之分是左陽右陰故  
陽稱左周書武順曰天道尚左九三陽爻故為左也  
爻辰三在辰孝經援神契曰清明後十五日斗指辰  
為穀雨後十五日斗指巽為立夏是辰近巽巽為股  
故云得巽氣為股三為左股二承三故睇于左股三  
體震為馬三升五二正應之故云二正應五三與五

同功下繫文三五同功故得升五若然臨泰諸卦二  
升五以其應也大壯四升五以陽息之卦也義各有  
取皆以五虛无君而得升也二執中含上應九五  
以合衆爻故云二以中和應天合衆極之言升三升  
五則二得其應故欲升三以壯于五而曰用拊馬壯  
五變之正故吉也坎折坤體故曰壯守獵至疾貞  
說卦文三體離南方之卦故曰南守三陽五陰五  
虛无君陰為陽得故三上獵五九五為乾乾陽為大  
為首三上獵五故得其大首明夷之世用晦而明當  
以漸決不可卒正言不可卒正五位故曰不可疾貞  
此兼九家義也左謂至君位二爻辭左股謂三  
故知此左亦謂三坤為腹說卦文荀氏謂四得位比  
三處於順首欲上三居五五體坤為腹故入于左腹  
三南守獲五體坎坎為心故獲明夷之心說卦曰帝  
出乎震故震為出又曰艮為門闕莊二十五年春秋

傳曰庭實旅百杜預注云艮為門庭是也三居五出  
在應門之內立於門內之中庭南面故云于出門庭  
升五君位也此兼荀氏及九家義其讀至訛耳  
蜀才從古文作其子今從之其古音亥故讀為亥亦  
作其劉向曰今易其子作亥茲荀爽據以為說蓋讀  
其子為茲茲古文作其子其與亥子與茲字異而音  
義同淮南子曰釁其燧火高誘注云其音該備之該  
該亥同物故三統歷曰該闕於亥孽萌于子是也五  
本坤也坤終于亥乾出於子用晦而明明不可息故  
曰其子之明夷明夷反晉晉晝也明夷晦也以十二  
辰言之七日來復則當子以十日言之自暗復明則  
當旦故昭五年春秋傳卜楚邱論此卦以為明夷當  
旦亦此義也五失位三之五得正故利貞馬融俗儒  
不識七十子傳易之大義以彖傳有箕子之文遂以  
箕子當五尋五為天位箕子臣也而當君位乖于易  
例逆孰大馬謬說流傳兆於西漢西漢博士施讎讀



其為箕時有孟喜之高第蜀人趙廩述孟氏之學斥  
言其謬以為箕子明夷陰陽氣无箕子其子者萬物  
方菱茲也廩據古義以難諸儒皆屈于是施讎  
梁正賀咸共嫉之讎賀與喜同事田王孫而賀先貴  
又傅子臨從讎問薦讎為博士喜未貴而學獨高施  
梁正皆不及喜所傳卦氣及易家候陰陽災異書皆  
傳自王孫以授梁人焦延壽者而梁正惡之謂無此  
事引讎為證且以此語聞於上於是宣帝以喜為改  
師法不用為博士中梁正之譖也讎賀嫉喜而并及  
實班固不通易其作喜傳亦用讎賀之單詞皆非實  
錄劉向別錄猶循孟學故馬融俗說荀與獨知其非  
復廩古義讀其子為菱茲而晉人鄒湛以為漫衍无  
經致譏荀氏但魏晉已後經師道喪王肅詆鄭氏而  
禘郊之義乖表準毀蔡服而明堂之制亡鄒湛譏荀  
謂而周易之學晦郢書燕說一倡百和何尤乎後世  
之紛紜矣應在至于地此虞義也三體離上正

應三故云應在三坤滅藏于癸坤上離下故離滅坤  
下坤冥為晦故不明而晦也日月麗乎天晉時在上  
麗乾故登于天明夷反晉  
故反在下後入于地也



巽宮二世卦  
消息五月

家人利女貞注遂四之初女謂離巽二四得正故利女

貞疏此虞義也卦自遂來九四之初二稱家為二正  
內應在乾乾為人故名家人馬氏謂木生火火

以木為家故曰家人義亦通也離中女巽長女故女  
謂離巽二體離四體巽二四得正故利女貞馬氏云  
家人以女為與主長女中女  
各得其正故特曰利女貞矣

初九閑有家悔亡注閑闌也防也陰消至二艮子弑父

四來開初故開有家悔亡六二无攸遂在中饋貞吉  
注遂讀如大夫無遂事之遂婦道无成故无攸遂饋  
饋祭也二在下中故在中饋正應五故貞吉九三家  
人熇熇悔厲吉婦子喜喜終吝注熇熇盛烈也乾盛  
故熇熇三多凶故悔厲得往故吉喜喜喜笑也巽為  
婦動體艮子家人毀壞故婦子喜喜終吝六四富家  
大吉注三動坤為富四得位應初順五乘三比據三  
陽故富家大吉九五王假有家勿恤吉注乾為王假

大也三變受上五體坎坎為恤五得尊位據四應二

以天下為家故王假有家天下正之故勿恤吉上九

有孚威如終吉注坎為孚故有孚乾為威自上之坤

故威如易而得位故終吉疏

開闢至悔亡也此馬義也卦自遠

來遠陰消二體艮故艮子弑父四來開初弑逆不行

故開有家悔亡也案虞注訟彖曰遠三之二遂將成

否則子弑父臣弑君三來之二得中弑不得行故中

吉義與此同也遂讀至貞吉大夫無遂事讀從

桓八年公羊傳文彼文云遂者何生事也何休注云

生猶造也專事之辭夫子制義婦道无成故无攸遂

古文論語曰詠而饋舊注云詠歌饋祭也周禮籩人

有饋食儀禮有特牲少牢饋食之禮皆謂薦孰故云

饋饋祭也二居下中而有婦道昏禮云昏者將合二  
姓之好以事宗廟是饋祭為婦職二居下體之中  
故在中饋執中含和正應九五故貞吉也 焯焯至  
終吝 狻為舍人注爾雅曰焯焯盛烈也乾道威嚴  
故焯焯三處多凶之地而過于嚴故悔厲以其得位  
故吉喜喜喜笑鄭義也喜讀為嬉異為婦動體艮為  
子故婦子喜喜此虞義也動失位家人毀壞故終吝  
上之三則終吉也易例爻得位者不言變今三動受  
上者彖傳曰正家而天下定謂既濟也此卦五爻得  
位所較上爻耳三動受上成既濟則六爻皆正所謂  
正家而天下定也故虞注漸上九曰三變受成既濟  
與家人彖同義又云三已得位又變受上權也桓十  
一年公羊傳曰權者反於經然後有善者也三得位  
而動反於經也動受上而成既濟所謂反於經然後  
有善者也是易之變例矣 三動至大吉 三動體  
坤坤為富者禮運曰天生時而地生財誥志曰地作

富坤為地故富也六以陰居四故得位應在初上承五而在三上故云應初順五乘三初三五皆陽故此據三陽稱大稱吉故大吉也此兼虞義乾為至恤吉此虞陸義也乾為王謂遠乾也假大也釋詁文詩商頌那曰湯孫奏假毛傳云假大是也三變受上則五體坎坎為加憂馬氏云恤憂也故坎憂為恤五為天子故得尊位據四應二羣陰順從王者以天下為家故王大有家正家而天下定故无所憂而吉也坎為至終吉此虞義也虞氏謂三已變與上易位成坎坎信為孚故有孚乾為君君德威嚴故威如自上之坤三上易位而皆得正故終吉也



艮宮四世卦  
消息十二月

睽小事吉注大壯上之三在繫蓋取无妄二之五也小

謂五陰稱小得中應剛故小事吉疏

此虞義也卦自大壯來上六之

三此從四陽二陰之例也云在繫蓋取者繫繫詞也蓋取謂十三蓋取也繫下曰弦木為弧剡木為矢弧也矢之利以威天下蓋取諸睽虞彼注云无妄五之二也彖傳謂柔進上行故據繫辭蓋取以明之六五陰爻故小謂五陽大陰小故陰稱小五得中而應乾五之伏陽得中應剛故小事吉

初九悔亡喪馬勿逐自復見惡人无咎注无應悔也四

動得位故悔亡應在坎坎為馬四失位之正入坤坤

為喪坎象不見故喪馬震為逐艮為止故勿逐坤為

自二至五體復象二動震馬來故勿逐自復也離為

見惡人謂四動入坤初四復正故見惡人无咎也九  
二遇主于巷无咎注二動體震震為主艮為宮為徑  
路宮中有徑路故稱巷二動五變應之故遇主于巷  
變得正故无咎六三見輿曳其牛鬻注離為見坎為  
輿為曳故見輿曳四動坤為牛牛角一俯一仰曰鬻  
離上而坎下故其牛鬻也其人天且劓无初有終注  
其人謂四惡人也黔額為天割鼻為劓无妄乾為天  
震二之乾五以陰墨其天乾五之震二毀艮割其鼻



也兌為刑人故其人天且劓失位動得正故无初有終九四睽孤遇元夫交孚厲无咎注孤顧也在兩陰間睽五顧三故曰睽孤震為元夫謂二已變動而應震故遇元夫也震為交坎為孚動得正故交孚厲无咎六五悔亡厥宗噬膚往何咎注失位悔也變之正故悔亡乾為宗二動體噬嗑故曰噬四變時艮為膚故厥宗噬膚言與二合也二往應之故往何咎上九睽孤見豕負塗載鬼一車注睽三顧五故曰睽孤离

為見坎為豕為雨四變時坤為土土得雨為泥塗四  
動艮為背豕背有泥故見豕負塗矣坤為鬼坎為輿  
變在坎上故載鬼一車也先張之弧後說之壺注謂  
五已變乾為先應在三坎為弓離為矢張弧之象也  
故先張之弧四動震為後說猶置也兌為口離為大  
腹坤為器大腹有口坎酒在中壺之象也故後說之  
壺匪寇昏葺往遇雨則吉注坎為寇之三歷險故匪  
寇陰陽相應故昏葺三在坎下故遇雨與上易位坎

象不見各得其正故則吉也疏无應至咎也此虞

義也初四皆陽故曰

无應四失正動得位故悔亡四體坎故應在坎說卦

曰坎於馬也為美脊故為馬四變入坤坤為喪坎化

為坤故喪馬震為奔走故為逐艮為止故勿逐坤為

自四已變故二至五體復二動初體震故震馬來勿

逐自復之象也喪馬勿逐自復此商法也周監二代

而因之故周禮朝士職曰凡獲得貨賄人民六畜者

委于朝告於士鄭彼注云委於朝待來識之尚書棨

誓曰馬牛其風臣妾逋逃勿敢越逐祇復之是其事

也說卦曰相見乎离故离為見四离火不正流如來

如故惡人謂四當居坤初故動入坤初此易例也

坤初來居四復正故見惡人无咎也二動至无咎

此虞義也震主器二動體震震為主故遇主謂五

遇二也釋宮曰宮中巷謂之壺艮為宮為徑路宮中

有徑路故稱巷巷亦作街巷街同物故又作街離駮

經曰五子用失夫家巷巷讀為街也隱四年穀梁傳  
曰遇者志相得也二五相應而皆失位二動五變應  
之故遇主于巷而皆得正故无咎虞唯以震為大塗  
為異耳俗說以五為主此謬也大夫稱主君故昭十  
九年春秋傳曰齊侯使高張來唁公稱主君子家子  
曰齊卑君矣君祇辱焉知五非主也 離為至鬻也  
此虞義也說文曰曳史曳也束縛捽捽為史坎為  
輿多眚故見輿曳卦互離坎牛角有俯有仰離上為  
仰坎下為俯故其牛鬻三不正故有曳鬻之形象曰  
位不當也 其人至有終 此虞義也惡人當蒙罪  
故其人指四惡人馮氏云刺鑿其額曰天刺與黥同  
故曰黥額為天鄭氏注周禮司刑曰劓截其鼻也故  
曰劓鼻為劓夏之黥即周之墨乾五為天二陰之五  
故以陰墨其天无妄二體艮艮為鼻五之二故毀艮  
劓其鼻也兌為刑人五刑有劓劓之法加于四之惡  
人故其人天且劓也三四失位動得正故无初有終

易例爻初失位為无初變得位為有終也孤顧至  
无咎矣此真義也孤顧劉熙釋名文謂顧望也兩  
陰謂三五五乘四故睽五四據三故顧三說文云顧  
還視也震初為元為夫二變初體震四動而應之故  
遇元夫遇者志相得初四正應故亦云遇也震初陽  
始交於坤故為交坎信為孚四交於初故云交孚二  
爻得正故雖危无咎也失位至何咎此真義也  
五動體乾宗尊也乾為天尊故為宗厥宗者二之  
宗也二動體噬嗑噬嗑者合也四變二體艮艮為膚  
五來合二故厥宗噬膚二艮為巷五乾為宗巷者宮  
中之道宗者廟內之牆二五易位五君二臣君為元  
首臣為股肱本一體之親有肌膚之愛故曰噬膚也  
二往合五故往何咎自外曰往也睽三至車也  
此真義也三失位故睽三上據五故顧五坎為豕為  
雨坤為土土得雨為泥塗詩角弓曰如塗塗附毛傳  
云塗泥是也艮豕曰艮其背故為背豕背有泥故負

蓬坤為鬼坎為車四變在坎上坤為載故載鬼一車  
於禮為覓車既夕薦車鄭彼注云今之覓車載而往  
迎而歸如慕如疑乖違之家有是象也謂五至之  
壺此虞義也釋詁曰說舍也郭注云舍放置說舍  
同義故云說猶置也壺俗作弧今從古既謔三禮圖  
曰方壺受一斛腹圓足口方園壺受一斛腹方足口  
園若然壺有口有腹故云兌為口离為大腹昏禮設  
尊是為壺尊揚子太元曰家无壺婦承之姑測曰家  
无壺无以相承也若然說壺者婦承姑之禮與壺器  
大腹有口盛坎酒于中故後說之壺也坎為至占  
也此虞義也坎為寇初失位之三歷險故云寇由  
後言之故云匪寇也變之正陰陽相應故昏葬始則  
拒之如外寇終則禮之如內賓始睽終合之象也三  
在坎下而應上故遇雨三上易位坎象不見陰陽和  
會而得其正  
故則吉也

周易述卷五